



492.60  
899



18  
19  
20  
21  
22  
23  
24  
25  
26  
27  
28  
29  
30  
31  
32  
33  
34  
35  
36  
37  
38  
39  
40  
41  
42  
43  
44  
45



碑版文廣例卷七

文淵王芭孫念豐輯



秦漢次及三國六朝夫文至晉宋以下  
靡矣世之良也然猶去古未遠雖風  
澤芳臭隨世或心精之運乘乎天機之所  
啓人事之所至必有一二奮然因文以見者縱  
令體制詭雜不無岐出卽其岐出可備援證凡  
其人皆在韓歐以前凡其文皆韓歐所嘗裁擇  
去取乎其閒故亦詳而勿略焉且不觀其衰無  
以見起衰之功八代之文宜若韓歐所不屑意

今觀韓歐碑版之作未嘗不從而取法焉然後  
知韓歐皆成而為今古文章之極蓋文  
律非一世之積非一人之詣也言治者本之古  
帝堯舜堯舜自不能有商周之典物漢高闕疏  
自不能如唐宋之周詳勢固然耳非有是八代  
者導於前韓歐亦不能自我為初非有韓歐者  
起其後文統或幾乎墜矣世不以韓歐之法上  
律漢魏六朝則必挾漢魏一朝之說以下誚韓  
歐是皆專己自是罔識源流夫豈通人之語哉  
文字南朝為盛顧其時之 之禁又江介

塗泥土泉疏薄金石銷湛為易北朝荒穢而中  
原地厚遺刻具存余今所錄亦因之多寡惟北  
朝碑版半為釋氏作佛固不立文字彼家又自  
有支那撰述故略舉而不悉數云

三國

碑紀開國典禮例

魏受禪尊號大饗諸碑其事不軌即其文不足例也  
惟孔子廟碑陳思王筆而梁鵠書之聖裔紹封不隨  
時代為興廢其端肇此乃其開國典禮之最大者碑  
中皇上之稱亦此初見故特舉之

魯孔子廟之碑

維黃初元年大魏受命因軒轅之高縱紹虞氏之  
遐統應歷數以改物揚仁風以作教於是捐五瑞  
班宗彝鈞衡石同度量秩羣祀於無文順天時以  
布化既乃緝熙聖緒昭顯上世追存二代三恪之  
禮兼紹宣尼寢成之後以魯縣百戶命孔子廿一  
世孫議郎孔羨為宗聖侯以奉孔子之祀制詔三  
公曰昔仲尼安大聖之才懷帝王之器當衰周之  
末而無受命之運缺生乎魯衛之朝教化乎汶泗  
之上栖栖焉皇皇焉欲屈己以存道貶身以救世

當

缺三

莫能用乃追考五代之禮修素王之事

因魯史而制春秋就太師而正雅頌俾千載之後  
莫不采其文以述作印其聖以成謀咨可謂命世  
大聖億載之師表者已遭天下大亂百祀墮壞舊  
居之廟毀而不修寢成之後絕而莫繼闕里不聞  
講誦之聲四時不睹烝嘗之位斯豈所謂崇化報  
功盛德百世必祀者哉嗟乎朕甚閔焉其以議郎  
孔羨為宗聖侯邑百戶奉孔子之祀令魯郡修起  
舊廟置百石吏卒以守衛之又於其外廣為屋宇  
以居學者於是魯之父老諸士游士睹廟堂之始

復觀俎豆之初設嘉聖靈於髣髴想貞祥之來集  
乃慨然而歎曰大道衰廢禮樂滅絕卅餘年皇上  
懷仁聖之懿德兼二儀之化育廣大苞於無方缺  
恩淪於不測故自受命以來天人咸和神氣烟燭  
嘉瑞踵武休徵屢臻殊俗解編髮而慕義遐夷越  
險阻而來賓雖太皓游龍以君世虞氏儀鳳以臨  
民伯禹命圜宮而爲夏后西伯由岐社而爲周文  
尚何足稱於大魏哉若乃紹繼微絕興修廢宮疇  
咨稽舌崇配乾坤允神明之所福胙宇內之所歡  
欣也豈徒魯邦而已哉爾乃感殷人路寢之義嘉

先民泮宮之事以爲高宗僖公益嗣世之王諸侯  
之國耳猶箸德於名頌聲騰乎千載况今聖皇肇  
造區夏創業垂統受命之日曾未下車而褒崇大  
聖隆化如此能無頌乎乃作頌曰

煌煌大魏受命溥將并體黃虞含夏苞商降釐下  
土上清三光羣祀咸秩靡事不綱嘉彼圜聖有邈  
其靈遭世霧亂莫顯其榮衰成旣絕寢廟斯傾闕  
里蕭條靡歆靡馨我皇悼之尋其世武乃建宗聖  
以紹厥後修復舊堂豐其靈宇莘莘學徒爰居爰  
處王教旣備羣小遘沮魯道以興永作憲矩洪聲

登假神祇來和休徵雜遯瑞我邦家內光區域外  
被荒遐殊方重譯搏拊揚歌於赫四聖運世應期  
仲尼既歿文亦在茲彬彬我后越而五之竝於億  
載如山之基

追立前賢碑碣例

唐宋人追表先賢遺墓如李白青山之類皆本於曹  
魏范式碑洪氏譏此碑辭勝事寡然其文曰略依舊  
傳昭撰景行猶有不敢溢美之義雖撰新文猶之重  
立舊碑爾

故廬江太守范府君之碑

君諱式

晉主百友盟有士會者光演因謨翼崇霸

業錫邑命族實為范氏則其後也君稟靈醇之茂

度體元亮之殊高徽柔懿恭明允篤恕九德靡爽

百行淵備園道耽藝恢韜墳籍探蹟研機罔深不

入若乃立德隆禮樹節寶真忠諒足以弼國篤友

足以輔仁用能昭其洪懿聲充宇宙接華彥於汝

墳潤枯燼於荆漢超管鮑之遐蹤信靈評乎炳煥

是以缺化泉流芳缺鴻奮耀仁闡於權輿濟俗侔

乎皇訓羣公偉焉弓旌行路三府舉高第侍御

史拜冀州刺史糾剔瑕慝六教允施遷廬江太

守擬泰和以陶化昭八則以隆治 以疾告辭韜

光潛耀 寔紹德之奧藪而儀民之淵表也未亮

三事缺三終缺六常山相暨子汜孫而因嗣罔繼

粵青龍三年正月丙戌縣長汝南薛字缺七感靈墀

之不饗思隆懿模以紹奕世乃與縣之碩儒咨典

謨之中字缺二同宗字缺三之胄昭告祖考俾守厥祀

本之箸字融之祚人神協休茂之慶焉禮也於是

鄉字缺一上計掾翟循州部泰山從事史翟邵等僉

以為君雖輝名載籍光颺前列而靈墳字缺儀問

靡述遂相與略依舊傳昭撰景行刊銘樹墓以聲

百世其辭曰

於昭上德實唐之因誕表靈和蹈規履信窮神周

覽祇道之訓邁德徽猷鴻漸缺奮穢彼夸毗寶此

純懿以文會友以仁翼缺敷化濟殖羣生以遂永

言孝思民之攸暨如何昊天不信其軌明德不報

因昨亡紀爰輯訓典詢爾髦士育茲赫缺以永遐

祉詒厥孫謀耀於萬祀

碑額用真書例

漢魏碑額或篆或隸無用真書者吾同年陽湖孫淵  
如得一石向容城西門外圭首有穿刻文三行乃真

書也淵如以孫吳時改長沙爲衡陽郡定爲孫吳遺  
刻余按吳大和五年鐵香鑪識文其時唐亡而楊行  
密次子隆演改元建號疑此或五代十國楊行密錢  
鏐張士誠等稱吳時所刻亦未可知然額在碑上無  
他質正姑從其說則真書爲額無古於是者又真書  
爲額之可考者南朝自梁始北朝自拓跋魏始梁吳  
平忠侯蕭公神道碑額在碑上北魏張猛龍碑文具  
存文後題義主姓名又綴訖功歲月蓋文成之後又  
閱四年矣此可爲撰文在先立石在後者作式故因  
葛君碑而附及之

孫吳葛府君碑額

吳故衡陽太守葛府君之碑

梁蕭公神道碑額

梁故侍中中撫將軍開府儀同三司吳平忠侯蕭

公之神道

正書  
右行

北魏張猛龍碑

魏魯郡太守張府君清頌之碑

造頌四年正元三年正月廿三日訖

晉

書婦姓不書夫姓例



漢劉司農李翊夫人諸碑必待讀其文而後知其婦  
姓不題於額也晉任城太守夫人孫氏碑爲額題婦  
姓之始曰任城太守從乎其夫書之也曰夫人孫氏  
從乎其婦書之也書其爲女之事詳於爲婦此又一  
例也

晉任城太守夫人孫氏之碑

夫人濟南孫氏之中女也實曰

缺

姬其

缺

與

缺

姓別閭族遂以爲氏父列卿光祿大夫建德亭侯  
以儒雅稱世濟其休夫人少有淑質 九歲喪母  
少爲父所見慈撫 時父未有繼室長沙人桓伯

序有寡妻伏氏魏文帝以用妻之伏氏柔少有國  
色父非所好而顧違尊命莫之能定夫人謂父曰  
何不以嘗同僚辭之父意乃寤文帝詔報之曰生  
敬其人成辭其室追遠敬終違而得道者也父悅  
入謂之曰昔臧武仲先犯齊莊不令與己邑我不  
犯尊而蒙優詔同歸殊塗 父爲勃海太守十餘  
年 夫人窮理盡情爲父所異皆此類也夫人在  
羊氏 承上接下衆皆悅之舅姑嘉其淑婉娣姒  
宗其德音夫人爲婦卅餘載言無口過行無怨惡  
嗣子迅哀懷永絕 我先妣立德同之不朽可

歿而無稱哉於是乃追而字缺二為之辭文不錄

名字官職之外不書一事例

亡友偃師武虛谷得一石民家為晉劉韜墓志其石上銳下平圭首作碑形高僅一尺八寸廣七寸故錢少詹事定為墓版其文有叔考之稱疑出於從子略無欵署可為後來有官職無事功者作式故例之

晉關中侯劉韜墓志

晉故使持節都督青徐諸軍事征東將軍軍司關中侯劉府君之墓君諱韜字泰伯叔考處士君之元子也夫人沛國蔡氏

案武氏偃師金石遺文記陳龍正家矩誌石專隱發掘須令易見若草家禮合字於背外用鐵束是掩之也雖掘也見石何由知其為冢而即止手乎莫其截鐵開抑又難矣宜仰字於面但以軌覆之離墻前數尺淺埋之案此石由掘井始出土蓋即當日誌墓之石埋於壙中者制亦如漢碑式而形模特小直不復用軌較之家矩以意為之者更有據也禮家宜仿為後人埋銘定式此說昔人所未及附錄以一備葬故之一

誌保母例

誌保母莫先於王獻之為昌黎東坡所自出軌高廣皆一尺一寸此埋銘之尤小者視劉韜墓石而又殺之矣宋諸賢考辨綦詳可為後來軌志作式故例之保母專志

郎邪王獻之保母姓李名意如廣漢人也。在母家志行高秀，歸王氏柔順恭勤，善屬文，能草書，解釋老旨，趣年七十，興御三年歲在乙丑二月六日無疾而終。仲冬既望，葬會稽山陰之黃岡岡下，殉以曲水，小規交螭，方壺樹雙松於墓上，立貞石而志之。悲夫！後八百餘載，知獻之保母宮於茲土者，尚

缺二字焉

案宋李人性跋墓甄之出實八百三十八年獻之前知如此異哉又姜夔跋大令以晉孝武太元十一年年四十三乃終上推至乙丑歲年廿二其神居已如此又金石萃編跋獻之刻甄志墓逆知毀墓年載有類滕公石室三千年後曹娥碑五百年後之語

### 續書前人碑後例

漢亦有續紀前人碑後之事，皆止數語無成篇者。晉王遠石門銘舊路新功，條次臚列，并志起訖，為後人志起訖年月所自始，後一段則不著撰人，猶漢例也。

石門銘

此門蓋漢永平中所穿，將五百載，世代繇迴，屯夷遞作，乍開乍閉，通塞不恒。自晉氏南遷，斯路廢矣。其厓岸崩淪，礮閣堙禡，門南北各數里，車馬不通者久之。攀蘿捫葛，然後可至。皇魏正始元年，漢中獻地，哀斜始開，至於門北一里西上，鑿為道。

碑版廣例

卷七

十

阻缺迂九折無以加經途巨礙行者廿秦初  
附實仗才賢朝難其人襄簡良牧三年詔假節龍  
驤將軍督梁秦諸軍事梁秦二州刺史泰山羊祉  
建旗幡漾拓境緣邊蓋有叔子之風焉缺天嶮難  
升轉輸難阻表求自缺回車已難開創舊路釋二缺  
字之勞就方軌之逸詔遣左校令賈三德領七缺  
人共成其事三德巧思機發精解冥會雖元凱之  
梁河德衡之蝠躡未足偶其奇起四年十月十日  
訖永平二年正月畢功閣廣四丈路廣六丈皆二缺  
字棧四缺及缺回四缺二百餘里連輶駢轡而進

往哲所不工前賢所輟思莫不夷通焉王生履之  
可無臨深之歎葛氏若存幸息木牛之勞於是畜  
產鹽鐵之利絀錦蜀罷之饒充缺川內四民實富  
百姓息肩壯矣自非思埒班爾籌等張蔡忠公忘  
私何能成其事哉乃作銘曰

龍門斯鑿大禹所彰茲巖迺穴肇自漢皇導此中  
國缺奠四方其功伊何既逸且康去深去阻匪閣  
匪梁西帶汧隴東控樊襄河山帷二缺德是三缺昔  
惟畿甸今則關疆永懷三缺在人亾不逢殊績何  
用再光水缺悠四缺長夕凝曉露晝令和風

夏起寒鳥春傷穹隆高閣有車麟麟缺夷下道馬

牡其駟千載絕軌百兩缺新敢刊巖曲以紀缺塵

魏永平二年太歲己丑正月己卯朔廿日戊申梁

秦典籤太原郡丰遠書

石師河南郡缺陽縣武缺仁鑿字

崇南朝紀刻字姓名自蕭愔碑始北朝紀石師鑿字自此碑始

銘後磨厓

缺西壁文後漢永平中開石門今大魏改正始五

年為永平元年餘功至二年正月訖手開復之年

司曰永平今古同前極矣哉後之君子異世同聞

焉

梁

書撰人名列在題後文前例

瘞鶴銘諸家聚訟定為陶隱居者較多此文宜歸梁世後來書撰姓名列在文前例實本此前此亦未有為物類作冢銘題之事故特舉之

瘞鶴銘有敘

華陽真逸謨

上皇山樵書

鶴壽不知其紀也壬辰歲得於華亭甲午歲化

朱方天其未遂吾翔寥廓耶奚奪缺僊鶴之遠也

迺襄以元黃之幣藏乎茲山之下僊家無隱缺

我缺故立石旌事篆銘不朽詞曰

相此胎禽浮邱箸經余欲無言爾也何明雷門去

鼓華表留缺義惟髣髴事亦微冥爾將何之解化

字缺西竹法里厥土惟禦後蕩洪流前固重局左

取曹國右割缺山陰爽塏勢掩華亭爰集貞侶

瘞爾作銘

缺嶽徵君

丹陽外僊尉

### 江陰真宰

案東觀餘論壬辰梁天監十一年甲午十三年案

隱居以天監七年東游海嶽權駐會稽永嘉十一

年始還茅山十四年乙未歲其弟子周子良僊去

為之作傳即十一年十三年正在華陽矣又案劉

昌詩蘆浦筆記引雷門鼓事案臨海記昔有飛

鵠入會稽雷門鼓中於是聲聞洛陽孫恩所鼓鵠

乃飛去孫恩攻會稽殺逸少之子凝之蓋在文帝

隆安三年然則此非晉人文字可知矣是碑正行

書左讀石裂為五今在焦山西南觀音菴

書撰列名文後例

梁始興忠武王碑梁文帝第十一子蕭憺碑也碑皆

駢體非古文故不錄然書撰列名在文後曰徐勉造

者即撰文也南史宗室傳安成康王秀卒東海王僧

石片唐依  
繇吳郡陸倕彭城劉孝綽河東裴子野竝游王門各  
著其文咸稱實錄遂以四碑竝建蓋其時又有四碑  
竝建之例

梁故侍中司徒驃騎將軍始興忠武王之碑碑題如此

侍中尚書右僕射宣缺將軍東海徐勉造

前正員將軍吳興張缺三作

吳興貝義淵書

缺三明刻字

防閣吳興部元明

案碑文之後款署如此刻字人姓名附見自此始然石師石工名見於漢碑者甚多但不言刻字耳

武梁碑稱良匠衛汝雖為彫鏤畫象而言其畫象間亦自有之即刻字在其中矣

隋大業中陳叔毅以陳宣帝子為曲阜令重修孔廟  
仲孝俊為之撰文亦題之於文後撰人之後綴以二  
孔始立石人姓名耳故附舉之

修孔子廟之碑碑額如此六篆字黑文凸起

大隋大業七年辛未歲七月甲申朔二日乙酉後文

此如

濟州秀才前汝南郡主部仲孝俊作文

孔子世一世孫孔長名世四世孫孔子歎缺三字

案碑文稱叔毅為明府縣令稱明府自隋始

北魏

世系之外不敘事實例

近世講文律者皆言非有奇節不當立傳墓志則人  
人可作第不當無美而稱之耳北魏司馬元興志世  
系之外不系一事題中官階勳爵無所不書文中略  
不一及蓋古人額題與文字合爲章法詳略互見如  
此漢魏不書葬地晉王獻之保母志始書黃岡岡而  
是碑書溫城西北廿里書葬地始自爾時而志墓之  
法備矣

魏故

將軍固州鎮將鎮東將軍漁陽太守宜

陽子司馬元興墓志銘

君諱紹字元興河內沮人也晉河間王右衛將軍

遷散騎常侍中護軍使持節侍中太尉公贈車騎

大將軍儀同三司謚曰武王欽之元孫晉河間侍

中左衛將軍贈使持節鎮西將軍荊州刺史謚曰

景王曇之曾孫晉淮南王祕書監遷使持節鎮

北將軍徐克二州刺史晉祚流移姚授冠軍將軍

殿中尚書大魏蒙授安遠將軍丹陽侯贈平西將

軍雍州刺史謚曰簡公叔璠之孫嚳朔將軍宜陽

子驃騎府從事中郎鎮西將軍略陽王府長史道



壽之子君夙稟明穎纂承徽烈洪業方隆生志未  
 遂以魏太和十七年歲次戊申七月庚辰朔十二  
 日壬子夢於第以永平四年歲次辛卯十月癸亥  
 朔十一日癸酉遷葬在溫城西北廿里記之

遙哉遠裔緬矣鴻胥承符紹夏作賓於周貞明代  
 襲奕世宣流誕生夫子剋纂徽猷崇基方構嘉業  
 始修蘭摧始夏桂折未秋感戀景行式述遺休

紫金石萃編跋敘銘其三百字先世銜名居其十  
 之六敘元與本事只夙稟明穎十六字而已下敘  
 卒葬年月未云記之後有銘辭不加銘曰皆與他  
 碑異式蓋南朝禁墓志故僅載官爵不敘功勳西  
 京雜記稱前漢杜子春臨終作文刻埋墓前博物  
 志載西京醇儒王史威長葬銘止八句三十二字

始亦如趙岐僅志時代姓名之類東漢碑額皆書  
 某君之碑惟曲阜孔君之碑出於墓中額止孔君  
 之墓四字其即後世之墓志歟志石不不過二三  
 尺橫下如之壙中地隘所容止此故其為文不過  
 略敘生平梗槩與神道碑墓表墓碣暢所欲言者  
 例各殊矣魏晉尚仍古法唐韓柳諸公所撰惟韋  
 丹墓志篇幅稍長餘亦無過千字者北宋蘇氏兄  
 弟出遂有至四五千字者此斷難刻置墓中或竟  
 撰文存集而實未  
 鐫刻者皆不可知

誌題不書婦姓例

北魏司馬景和妻題稱銘而文稱頌其敘家世猶承  
 漢例書官不書名題書妻而不著妻姓於文首見之  
 亦額題與文互為詳略處也

魏代揚州長史南梁郡太守宜陽子司馬景和妻

墓誌銘

夫人姓孟字敬訓清河人也蓋中散大夫之幼女  
陳郡府君之季妹夫人咨含章之淑氣稟懷睿  
奇風芬芳特出英華秀生婉問河洲鼓鐘千里年  
十有七而作嬪於司馬氏自笄髮從人檢無違度  
四德孔修婦宜純備奉舅姑以恭孝與名接娣姒  
以謙慈作稱恆寬心靜質舉成物軌謹言慎行動  
爲人範斯所謂三宗厲矩九族承規者矣又夫人  
性寡妬忌多於容納敦桃夭之宜上篤小星之逮  
下故能慶顯螽斯五男三女出入閨闈諷誦崇禮

義方之誨旣形幽閑之教亦箸然盡力事上夫人  
之勤夫婦有別夫人之識捨惡從善夫人之志內  
宗加密夫人之恤姻於外親夫人之仁夫人有五  
器而加之以躬儉節用豈悟天道無知與善徒言  
享年不永凶缺橫集春秋卅有二以延昌二年夏  
六月甲申朔廿日癸卯遘疾奄忽夢於壽春嗚呼  
哀哉粵三年正月庚戌朔十二日辛酉歸葬於鄉  
墳河內溫縣溫城之西寔以山原興隴窳野成山  
故式述清高而爲頌云

穆穆夫人乘和誕生蘭蕤蕙糅玉潤金聲令問在

室徽音事庭方孚洪烈範古流名如何不淑蚤世

但傾思聞後葉刊石題誠

案孟縣志銘首稱魏代或以代為時代之代非也  
案集古錄太武太延五年大代修華嶽廟碑跋云  
魏自道武天興元年議定國號羣臣欲稱代道武  
不可乃仍稱魏自後無改稱代之事而魏碑數有  
之當時所刻不應妄但史失其事耳又金石錄云  
余案崔浩傳云方士初織奏改代為萬年浩曰晉  
道武皇帝應期受命開拓洪業諸所制置無不循  
古以始封代土後改稱魏故魏代兼用猶波般商  
不廢始封  
故兼稱代

額題紀事例

北魏元萇溫泉記其紀事便在額題中具見古人製  
題有義文以駢體故不錄碑側有金元人所續加題

名二此亦題名古碑之法故例之

魏使持節散騎常侍都督雍州諸軍事安西將軍

雍州刺史松滋公河南元萇振興溫泉之頌碑題如此

碑側題名

真淨子屢觀此碑徘徊不能去

大定壬寅仲冬十七日棲雲老人游此子宗傑侍

行

行狀之式出於墓誌例

北魏才遵墓誌列世系考妣於題後文前諸家以為  
用行狀式誌墓非也乃行狀之式出於此耳文前文

碑版廣列  
未附書夫人兼及夫人之父皆變例漢魏以來所未有也觀此方識韓歐酌義之精故特舉之

魏故使持節都督洛兗州字缺八

高祖協元亮晉侍中尚書左僕射下缺夫人彭城曹

氏父羲晉梁國下缺

曾祖彝太倫晉侍中徐州牧司空下缺

祖暢仲遠晉中書令金紫光祿大夫下缺

父雍淑和皇魏使持節侍中都督揚豫兗徐四州

字缺五徐豫冀二州刺史東安簡公夫人郎邪王氏

父下缺

公諱遵字奉國勃海饒安人也下文不錄

夫人同郡高氏父允侍中中書監司空咸陽文公

不箸歷官例

北魏司馬昞墓誌標題書其追贈之官世襲之爵於生前所歷未嘗一及其蓋但有墓誌銘三字又歷敘曾祖及父獨於其祖缺而不書皆變例之尤者

魏故持節左將軍平州刺史宜陽子司馬使君墓

誌銘

君諱昞字景和河內温人也晉武帝之八世孫淮南王播之曾孫魏平北將軍固州鎮大將魚陽郡

宜陽子興之子先室屯難宗罔介否乃祖歸國賞  
以今爵奕世承華休榮彌著君有拔羣之奇挺世  
之用神風魁崖機悟高絕少被朝命爲奉朝請牧  
王主簿員外散騎侍郎給事中從龍驤府上佐遷  
揚州車騎大將軍府長史帶梁郡太守在邊有偉  
略之稱轉授清河內史此郡名重特以人舉不幸  
遇疾以正光元年七月廿五日薨於河內城朝廷  
追美詔贈持節左將軍平州刺史非至行感時孰  
能若此以庚子之年元楊之月廿六日丙申葬於  
本鄉城西十五都鄉孝義之里刊石誌文而爲

辭

君侯烈烈王操金聲高風愕愕屢歷徽榮奄然辭  
住殷有餘馨鑄茲泉石用銘休貞

書撰列名碑側例

古碑往往四面有字南北朝有以書撰人名題之碑  
側者雖誌石亦然今各舉一以例之

魏陸希道銘側題字

魏故涇州刺史淮陽男陸使君墓誌之銘蓋篆

前涼州刺史兼吏部郎中陳郡袁翻字景翔制名

銘側

案孟縣志陸使君墓誌并蓋石俱方廣今尺二尺五分厚俱三寸蓋上篆書十六字方三寸陽文四起誌字正書徑四分

東魏李仲璇修孔子廟碑

魯孔子廟之碑

碑額

內書任城王長孺書碑

碑側

東魏義橋石像碑

武德于府君義橋石像之碑

碑額

伏波將軍前懷州防城司馬穆洛書

碑側

碑後書女書壻例

漢魏墓文無書女壻者北魏李超志書女及壻不入

於文中附之文後要此為書壻所從起故例之

魏故懷令李君墓誌銘

君諱超字景升本字景宗後承始族叔在江左者懸同故避改云秦州隴西郡狄道縣都鄉華風里人也雅著高節敦襲世風言行足師興作成準修情孝友因心名義安貧樂道息詭遇之衿介然峻特標確焉之操弱冠舉司州秀才拜奉朝請除恒農郡軍府錄事參軍事宰沁水縣巨政崇治綽居尤著為受臯者所詐章憲臺誤聽被茲深劾除名為民於是廿年中浮沉閭巷玉潔金志卓爾無

閻 中甫更從宦補荊州前將軍騎兵參  
 軍事復作懷令已受拜垂述職遭疾正光五年八  
 月十八日卒於洛陽縣之永年里宅時年六十一  
 孤貞華首訖於二邑門從無兩遠邇酸恨懷之百  
 姓長慕喪氣雖陳留之哀望胡季叡不是過也越  
 六年正月丙午對十六日辛酉葬洛陽縣覆舟山  
 之東南元壤難空陵谷時異刻茲陰石照敘光塵  
 泱泱顯族斂出西垂代襲清則缺炳羽儀道妙之  
 門緒風屬斯惟祖惟考伊儻環奇昌謨迭駕高矔  
 杳量無隄元契不貲總修異貫員應紛枝灼

石山立淵渟棲真宅正寢繩履程懿躒為質  
 川情均洽禮世氣重財輕亦既從招旁溢鴻  
 牒出入密勿力誠爰莅近邑先邁儀子絕交  
 一化動陰實疑當尚德貽咎眾實石益拂衽歸  
 飭轅褫帶恂恂鄉閭萬殊一會憂柔善成無小  
 無大垂白再仕汎爾沿流階倫稍降盛業愈適逮  
 作後城士女承休轡頓方馳盡土悲愁剋節炯言  
 引賞靡徵端恭安砥家俗竝厲權彼圯跡事罕篇  
 繒長源未翰深圖乍卷蘊此逸機空生徒返茲寬  
 易削疇毒難遣楨栲疏竦泉房塞遠孀孤內爛妹

弟摧咍式鏤沉石託注幽篆

妻恒農楊氏父談為邠州主簿息女孟宜年廿六

適恒農王始雋郡中正息女媛姿適遼西常彪侍

御史息女仲妃適武威賈子謚涼州治中息道冲

息女婉華息女姝顏息女四輝息道逸年十六息

道棲年十三

重立舊碑增著新文例

汲縣太公望表晉太康十年縣令盧無忌以蟠谿之

下舊有太公壇場久荒不治乃依舊修造刊石立表

及北魏孝靜帝武定八年太公裔孫尚氏因盧碑僻

琢、年更營新祠於博望亭平顯之所請太守穆子

容為文記之子容為書無忌之表於前以已作繫於

後其子尾歛署亦重立舊碑之一例也

太公呂望表

晉武帝太康十年三月丙寅朔十九日甲申盧無

忌依舊修造

碑首如此

通直散騎常侍聘梁使平東將軍中書侍郎恒州

大中正修左史汲郡太守穆子容山行之文

碑後如此

大魏武定八年四月庚辰朔十二日辛卯建造

東魏



碑頌修廟之人例

漢以來頌修廟之人而立碑於所修之廟者多矣東魏敬史君碑其標題曰禪靜寺刹前銘敬史君之碑既曰銘又曰碑或以為一文兩非也禪靜寺刹前為一句銘云銘勒史君功德於刹前遇所與本人往往提行空遂從欽字截句則成一文兩題矣又以駢體故不使作中古通用文從題新除刺史崔叔仁及施姓名恭重施地又重作碑之主故不與他人同入

為一句

格者蓋古

敬字為字

陰也碑陰題名書版授諸官又書太守敬忻之小郎君五子分崩文風操筆者非文人酌精率肥如此亦具韓歐出以前其文而無不可訓故特舉

禪靜寺刹前銘敬

新除使持節都督潁州

潁州刺

史嘗州都督崔叔仁後

施地檀越故潁川太守王儒

檀越元囿地作拾畝

檀越朱略志和施地廿畝

維大魏興和二年龍集庚申

北齊

追表其父遺迹例

北齊鄭道昭刻其父文公德政於雲峯山而託名於故吏程天賜道昭第三子述祖繼其父為光州刺史訪父遺迹以其父前刺光州時曾謁孔廟立石追紀亦託名於他人為文而自書之故其額不曰夫子廟碑而曰夫子之碑以見立碑不繫於廟也

書撰人名見於文中例

北齊隴東王感孝頌繫駢文今置不錄其書撰人姓名

名見於文中前後更不別著亦一例也

隴東王感孝頌

於時開府中兵參軍梁恭之盛工篆隸騎兵參軍

申嗣邕徵學搗藻竝應命旨俱營頌筆以大齊武

平元年正月廿二日權輿彫瑩表建庭前後文皆不錄

賜額竝年月在文前例

北齊臨淮王像碑案元于欽齊乘龍興寺在益都府

城西北隅北齊武平四年賜額南陽寺隋開皇元年

改曰長樂又曰道藏則天天授二年改大雲元宗開

元十八年始號龍興此碑亦因臨淮王造像而賜額

也此為賜額之始又其年月在文前與他碑之綴於文後者不同皆異例也

司空公青州刺史臨淮王像碑

十二字篆書黑字每字界六格

大齊武平四年歲次癸巳六月乙未朔廿七辛酉

造碑文不錄

周

奉敕書撰例

周華嶽廟頌万紐于瑾撰趙文淵書顧氏金石文字記謂書人撰人列名始此然漢李翕邨閣頌已列書撰人名矣惟奉敕書撰則始於是耳万紐于瑾名下

不書奉敕趙文淵名下獨書奉敕蓋因篇中有爰詔史臣為之頌一句則撰人之奉敕固不待箸也

西嶽華山神廟之碑

篆額

易不云乎天險不可升地險山川邱陵險之時義大矣哉惟華山者尚書爾雅謂之西嶽周官則為豫州之鎮下枕周秦之郊上應東井之宿前代曾創祠宇兼植柏樹歷年茲多榱棟崩禡樹亦往往殘缺太祖文皇帝治戎河上志圖廓掃每以講閱之暇親履陰晉眷言舊所良用依然以大統六年歲在旃蒙乃謁諸天子命車騎大將軍儀同

三司西兗州大中正華山郡守城陽縣開國公恒  
農楊子昕經始締構別更列植青松二千餘根堂  
廟顯敞房廊肅穆 暨水德告終蒼精肇運獄訟  
知歸人神胥悅皇帝負宸君臨宸居馭朽執玉帛  
以朝萬國叩金繩以享百靈 太師大冢宰晉國  
公任屬阿衡親惟旦奭弼諧六樂緝熙五禮廢典  
聿修羣望咸秩光贊皇猷式康帝載 維天和二  
年歲次太淵獻用旅姑洗爰詔史臣爲之頌曰

頌文不錄

大周天和二年歲在丁亥十月戊辰朔十日丁丑

立

使持節驃騎大將軍開府儀同三司大都督司宗

治內史臨淄縣開國公万紐于瑾造此文

車騎大將軍儀同三司縣伯大夫趙興郡守白石

縣開國男南陽趙文淵字德本奉敕書

潛研堂金石文跋尾于瑾之先出自北方居万紐于山因以爲氏魏孝文時改姓于氏大統十五年詔代人大和中改姓者竝令復舊故于瑾仍稱万紐于氏非漢人賜姓者比也

隋

易代後結銜例

隋張景略志列其祖父爵秩於前亦如行狀式景略

之生在北魏正光五年更歷東魏西魏凡三十餘年  
志載景略起家爲魏帝內侍左右尋遷祕書郎車騎  
大將軍志題卻稱大隋車騎蓋隋加是官從其所終  
者此新銜也唐武德觀音寺碣陸德明猶書國學助  
教蓋德明前此雖經越王侗署爲司業而司業非朝  
廷所授後此受唐太宗辟爲文學館學士而此時尚  
未就拜故仍用大業故官則是書其舊銜也

隋張景略銘

君諱景略燕州上谷人漢司徒華之後也帝王布  
護將相蟬聯備諸圖史其可伊述

祖驃騎大將軍第一領民酋長文城公又遷燕州  
諸軍事燕州刺史

考龍驤將軍諫議大夫奉車都尉行濟安郡太守

金鄉侯

君質如披錦文彩煥然器若珪璋光輝朗潤於是  
弱齡表異聲振朝野欲止不能遂被徵辟起家爲  
魏帝內侍左右尋遷祕書郎優游鳳沼去來麟閣  
時稱獨步實曰無雙又加車騎大將軍開皇十一  
年正月六日冥不測德奄從運往春秋六十有八  
以其月二十六日遷定於相州安陽河北白素曲

未極丞相之年俄掩將軍之墓嗚呼哀哉乃為銘  
曰

昔年慷慨拖紫垂青峴山漢水玉潤珠明何圖大  
運混我賢貞一辭身世百代千齡

唐新建觀音寺碣

丑世充寶建德為讐大邦我秦王赫然斯怒臯人  
乃得班師凱還駐鞞廣武值大兩作而東南雲際  
光燄射天燭見觀世音菩薩全身畢露王頓首拜  
瞻喜謂羣臣曰乃者武事告成天授神祐厥功溥  
哉遂敕建茲寺因名焉工訖乃樹碣以紀其歲

云爾時大唐武德五年國學助教陸德明撰

碑刻真容例

漢碑之有畫象特借畫以紀其人事迹而已非寫真  
容也至隋時曹永洛等所立陳思王碑始刻真容而  
今石已泐真容不可得見惟碑字存焉文述永洛等  
於齊王二年奉敕興復遺廟因歷敘子建生平立  
石追所彫鏤真容鐫金寫狀者也文不詳撰者  
何人碑首曰君諱植笈中又書曰王則是以異代王  
公稱君矣其辭粵與曰通亦同於魏太公望碑矣銘  
五章章各四口首章文惟王二字通體隸書中間參

錯篆字三分之一為唐徐浩嵩陽感應諸碑所從本  
皆異例也文既駢體又不工其閒提行空格後先齟  
齟乖亂不可為訓故不錄而舉其大略如此

窆誌方幅宜小例

埋銘宜小古無用巨不者晉保母志高廣僅一  
寸劉韜志高僅一尺八寸廣七寸隋雲銘高  
一尺一寸五分廣六寸七 壙中地隘不容巨  
無長篇即唐之韓柳大放厥辭無逾千字宋元

一言始皆刻於外耳此郭雲 正書三仁

不等只題一語 時代紀年

而簡法之一

隋郭雲銘

大隋大業三年禮德鄉故郭雲銘

官名假借文言例

漢及魏晉惟守相稱府君餘皆質書某官其或繁冗  
則裁損其字不假文言為潤飾也隋陳茂碑茂歷官  
甚顯最後授上開府儀同三司太僕卿判黃門侍郎  
而其碑以題之曰大隋上開府梁州使君陳公碑  
開府石像碑雷以波將軍奉車都尉為縣令而其  
碑額題之曰大隋南宮縣令雷都尉雷開府石像

碑品唐何  
之碑使君剛府之稱雖起於漢而書之碑以此其肇  
此也宋以來稱中書門下為丞相相國稱吏部兵  
部為冢宰司馬稱莫僚佐貳為少府贊府類以今官  
為不雅而借以古名潤以文言例自此始矣

墓誌今式所始例

墓誌銘題下加并序二小字題後撰人名下加撰文  
字書人名下加書丹字碑末加刻字人名如今式者  
起於隋姚辯墓誌蓋誌銘之法積久始備至是具體  
惟不加篆蓋人名耳前此雖有偶同法未周悉姚碑  
書撰出自歐虞刻字者為萬文韶皆一時極選萬文

韶唐永徽中刻褚書聖教序此在隋世已見箸錄一  
甄之微擅名兩朝亦自古刻字人中所最顯者矣

塔銘例

建塔造像北朝為盛今傳於世者亦雜亂無可為例  
隋仁壽元年詔分送舍利於諸州限十月十五日午  
時同下入石函總管刺史以下縣尉以上非軍機  
停常務七日專檢校行道及打刹事是歲所送舍  
利三十州今惟青州同州二塔銘尚存刻文相同所  
異者惟一云同州武鄉縣大興寺一云青州逢山縣  
勝福寺猶之秦二世金石刻文之例耳



案古皆紀日不紀時其紀時者或曰昏旦或曰日出日中或曰昧爽以前或曰日辰加其無曰某日某時此詔有午時之說始紀時自南朝始也

舍利塔下銘此青州塔

維大隋仁壽元年歲辛酉十月辛亥朔十五日乙

丑皇帝普為一切法界幽顯主靈謹於青州逢山

縣勝福寺平安舍利塔造靈塔願太祖武元皇帝

元明皇后皇帝皇后皇太子諸皇子孫等并內外

羣官爰及民庶六道三途人非人等生生世世值

佛聞法永離苦空同升妙果 孟弼書

諸佛舍利寶塔此同州塔額

長安香成院賜紫義省施額

將仕郎守同州別駕楊繼宗男將仕郎守河中府

別駕仲元次男著作郎通判環亭上元造

長女僧善雋 題額缺安缺刊

案此施額題額各一人朕碑既隋文帝勅建不當有施額之事或疑是額又隋以後所增置耶又案鄧州舍利塔銘云此異文乃仁壽二年所建刻以圓去前一銘則皆方石也

釋氏碑刻所始例

佛法自東漢入中國然漢魏晉都無見於石刻者其

造像碑自北魏太和十八年洛陽鄉城老人造像始

其建六之碑自北魏永平二年敕賜嵩顯寺始其

比邱尼碑則自永平三年比邱尼法術造像始其塔  
記自東魏天平三年王方暉造須彌心始其地堪銘  
自天統三年合邑諸人造伽藍始堪鳥龕之異文也  
其尼寺之記曰隋開皇十一年詔立僧尼二寺記始  
其鐘銘貞觀三年寶寧寺鐘始其行記自唐八中  
年杜殷撰華嚴寺杜順和上行記始其幡竿銘自唐  
開元三年蒲州虞鄉縣令劉君幡竿銘始燈幢贊自  
唐元和七年太子通事舍人柳澈保唐寺燈幢贊始  
常住田碑自唐太和中萬齊融越王阿育王寺常住  
田碑始餘如唐之教序額刻七佛頭道因法師碑

三菩薩王居士博塔銘四圍邊闌刻貝多葉皆  
畫佛以當文藻所自始至如塔記造像記有曰  
者有曰頌者曰誦者以言不雅馴文多不錄特  
其大略如此

唐

題額人列名所始例

自漢迄隋書人撰各自有見從無書額人姓名見  
於碑中有之自孔子廟堂碑始碑建在武德年中本  
自無額至武后命相王旦增其額曰大周孔子廟  
堂之殿厥後文宗時祭酒馮審始請琢去周字

碑版廣列

卷七

是碑書擬皆出虞世南原非武后立而武后強增曰  
王旦書額題之故碑末又鄭重補志其歲月并歸  
人鐫字人名此所未有然自此遂啓篆額人題之  
例

子廟堂之碑

升中舍人行著作郎臣虞世南奉敕撰并書  
徒并州牧太子左千缺率兼檢校安北大都護  
相王旦書碑額

長安三年太歲癸卯金四月壬辰水朔八日己亥  
木書額

以行左豹衛長史直鳳閣鍾京奉相王教  
額

萬年縣光宅鐫字

篆額題額列名例

列名始於則天然其時猶未通行至景雲二年  
寺刹碑夏侯湛篆額為標題篆額二字之始唐  
碑版有篆額人名及十之一亦各小有異  
今舉其略

涼州衛大雲寺古刹功德碑

前頤修文閣學士劉秀撰

神烏縣主簿譙郡夏侯湛篆額

案孔子廟堂之後篆額人名見碑中自此始然  
書百官志無朝行郎之階前頌二字義亦未  
不列書者姓名事皆莫曉此碑出後人重  
刻恐有脫誤以時代在先故首及之耳

華嶽精享昭應之碑  
宣義郎行華州華陰縣主簿  
平陽成虞撰

彭城劉升書  
銀青光祿大夫檢  
校華州刺史上柱國李休光題額

案是碑撰人之名卻居後文  
前書人題額人名卻居後文

後漢大司農鄭公之碑  
唐銀青光祿大  
邢州諸軍事

柱國郎邪郡開國男史承節撰鄉  
中書丹徵事郎前行密州高密縣

倉事纂錄  
月一日缺字  
商篆額  
大金正安五年  
本館于  
刊

案此乃金  
實則金碑也故額加後漢字撰人題  
安重刻唐史承節所撰之

字又削去唐書碑舊名而自題於文後以識  
別焉未有本店刻字亦宋金人例唐所無耳

大唐北嶽廟禮之碑并敘  
陳州長史鄭子春撰  
博陵崔鏞書  
安喜縣

尉李  
遯篆

案禮即  
神字

大唐故大智禪師碑銘并敘  
中書侍郎嚴挺之撰  
右羽林軍錄事參

軍集賢院待制兼校  
理史惟則書并篆額

橋亭記  
將仕郎守尉游芳撰文  
容縣開國男王子言書  
朝散郎行尉華  
通直郎行方與

縣尉王曰  
雲篆額

案此碑以撰人居  
文前篆額人居文後

嵩陽觀紀聖德感應頌  
開府儀同三司行尚書左  
僕射兼右相吏部尚書崇

石虎廣侯

元館大學士集賢院學士朔方節度等副大使修國史上柱國晉國公臣林甫上大中大夫守河南尹河南水陸運使上柱國賜紫金魚袋兼東京留守判留使司尚書省事裝迴題額朝散大夫

檢校尚書金部員外郎上柱國臣徐浩書案此題額人居撰人之後書人之先

北嶽恒山封安天王銘左羽林軍兵曹參軍直翰林院學士供奉上柱國李

荃撰吳郡戴千齡書并題篆

多寶塔碑南陽岑勛撰朝議郎判尚書武部員外郎郎顏真卿書朝散大夫檢校

尚書都官郎中東海徐浩題額

中唐以後篆額漸不勝舉今略錄其一二尤異者

白道生碑朝賜緡行尚書禮部員外郎翰林學士我于益奉敕撰缺議大夫行

將將作缺字翰林待詔上柱國賜紫金魚袋擊宗奉敕書并篆額案此人臣墓碑而書撰皆由奉敕

孝敬皇帝徽德記昇僊太子之碑額皆飛白又皆御著御書

石臺孝經額大唐開元天寶聖文神武皇帝注孝經臺孝經敘御製敘并注及書

皇太子臣亨奉敕題額

敘銘兩人分撰例

石碑一人為敘一人為銘者至多今舉其略

大唐宗聖觀記給事中騎都尉歐陽詢敘并書侍中柱國江國公陳叔達撰銘

吏部南曹石幢頌并敘秘書省正字尹匡撰頌醴泉縣丞尹匡撰頌

蘇文貞公神道碑 范陽張說撰銘

周尉遲迴廟碑 前華州鄭縣尉闕伯與敘 蔡有鄰書

元元靈應頌 朝散大夫守倉部郎中上柱國戴璇撰敘 大夫守戶部郎中劉同

昇頌 開府儀同三司尚書右僕射曾孫戴叔書

蓋飯當承蔭而此時尚未得官故以曾孫繫銜猶

品孫五品孫也 富平縣尉達奚珣撰敘 左補

述聖頌 京兆府富平縣尉達奚珣撰敘 左補

百門陂碑 前成均進士隴西辛怡諫

案敘銘原是一文通為章法既兩人分撰宜先為

敘後為銘一而蘇文貞公碑敘兼頌燕公作銘之事

則是先有銘而後有敘也吏部南曹石幢敘亦兼紀尹丞作頌之美亦先有頌後有銘也

唐碑必書所終之地例

漢碑書卒年卒日偶有書卒地者唐碑則於其所終之地靡不書以見獲歿牖下之義為得其所終此例卻是韓歐去之今故臚陳其梗概云

房彥謙碑 大業十一年出為涇陽縣令未幾而邁

五日景午終於官 舍春秋六十有九

張琮碑 貞觀十一年十一月之任在道寢

高士廉碑 以貞觀廿一年正月寢

韓仲良碑 貞觀十二年邁疾寢於

張允碑 方庵云亭之禮奮纏穿室之悲以顯慶三年正月七日 遺疾終於長安縣之

王居士塋塔銘 以顯慶元年十一月廿九日寢疾終於京第 春秋七月廿九日寢

尉遲恭碑 以顯慶三年十一月廿九日寢疾終於京第 春秋七月廿九日寢

蘭陵公主碑 春秋八月廿九日寢疾於雍州萬年縣之平康

第里

杜君綽碑 春秋六月廿五日入朝夢於缺廡

李文墓志 以永徽二年十月廿九日卒於私第 春秋七月廿九日

李孝同碑 以總章二年十一月五日夢於京師 缺安之里第春秋六十有缺

李勣碑 以總章二年十一月三日夢於私第 春秋七十有六

李晦碑 永昌元年二月廿七日夢於位 春秋六十有三

杜夫人碑 以長安三年五月廿八日終於幽州之官第 春秋六十有三

案此例唐人始無碑不然不能悉舉觀此亦足見其大凡

碑版二字稱名所始例

開元廿五年羊愉撰景賢大師身塔記末有碑版所  
詳不復多載語大曆八年丁思禮立心經碑記有剋  
為碑版語後魏昌馮王新廟碑有碑版壇滅語後人  
碑版稱名始自此始魏有文昭皇后識坐版函之文  
昌黎有墓版之作此版字所起碑則通稱也

誌生壙例

自漢孔耽之後三國六朝不見有生壙之製開元十

三年高延福墓誌云謀龜筮相川原經兆域畚封遂  
自爲安神之所此亦敘延福自營生壙之事蓋生壙  
不始於唐唐一代亦非止司空圖一人而已

卒日書時起於僧塔例

古人紀日不紀時元載作王忠嗣碑有云自辰徂亥  
垂六百里顏魯公作宋文貞公神道碑有云年十六  
七讀易曠時不精公遲而覽之自亥及寅精義必究  
所云自亥及寅猶之甲夜丙夜可見唐人已  
有紀時者矣然碑版中所紀卒葬罕有書時者惟淨藏禪師  
之塔銘云天寶五年歲次丙戌十月廿六日午時奄

將神謝此爲卒日書時之始

通稱府君例

漢惟守相稱府君降及六朝魏晉猶沿其例故稱府  
君者至少此例自唐而變文中子稱其上世銅川府  
君等雖在隋世然中說之書真贗不可知唐一代碑  
版在今傳世者至多本論其人文武大小賢愚貴賤  
通謂之府君今世俗所稱皆唐人之遺風也

張琮碑額

唐故光祿大夫張府君碑

蓋文達碑額

故蜀王師蓋府君之碑

褚亮碑額

大唐褚卿之碑



碑片廣例

案此額不題府君而碑首云府君諱亮字某

薛收碑額唐故太常卿上柱國

張允碑額大書唐故禮部尚書張府君之碑

王仁求碑題府上護軍王

獨孤仁政碑額大書唐故上護軍

馮本紀孝碑大書唐故亳州錄事參軍事上

乙速孤神慶碑大書唐故虞侯副率檢校左領軍衛

告華嶽文左補闕韓賞敢昭

案此稱嶽神為府君

李孝同碑代州都督柱國

世

阿史那忠碑大書唐故右驍衛大將軍薛國貞公阿史那府君之碑

契苾明碑大書唐故大將軍涼國公契苾府君之碑

案唐人稱府君者甚多不勝書觀此亦可以見其大凡

額與題互為詳略例

額題與文通為章法詳略互見自漢魏已然其官秩

里貫有見於題即不書於額或已書於額於題即文

中不復詳敘三國六朝間亦如此非由唐始而觀之

唐人其法尤備足為後來人書額製題作式今列其

凡

房彥謙碑額唐故徐州都督房公碑題唐故都督徐州諸軍

碑反讀列卷七

公房公碑銘

溫彥博碑額唐故特進尚書右僕射書右僕射上

柱國虞恭公溫公碑

段志元碑額唐故右衛大將軍唐故輔國將軍右衛大將軍

軍揚州都督褒忠

高士廉碑額唐故尚書右僕射司徒文獻公瑩兆記

柱國贈缺字申

房元齡碑額唐故左僕射上柱國大尉梁文昭公碑題

太子太傅上柱國贈

李靖碑額唐故開府儀同三司尚書題

缺字并州都督

許洛仁碑額唐故冠軍大將軍題

將軍使持節

孔宣公碑額唐故太師魯國孔宣公碑

代州刺史上柱國許公

令狐熙碑額隋故武康郡公之碑題

令狐使君

李勣碑額唐故司空上柱國題

贈太尉揚州大都督

王仁求碑額唐故河東州輔軍事河東州刺史

史上海軍王府

君碑銘并敘

案仁求卒咸亨五年故稱唐官以終及

立碑已當武后改號又稱大周云  
獨孤仁政碑額大府君之碑題行兗州都督府

方與縣令上護軍獨孤府君之碑銘并敘

道因碑額法師大德因題大唐故翻經人德益州多

馮氏墓誌額唐故馮氏婦題唐將作監主簿孟敘

案此額書夫姓題書婦姓

殷君夫人碑額唐錢唐君之碑題縣丞殷府君夫

案此額兼書夫姓而題中不書婦姓又以

婦人稱君其額橫書碑首皆例之變者

馮熙廟碑額後魏昌黎馮題兼太師昌黎馮王新

廟碑士元度篆額鄉貢進士元德述

案此十二代孫就熙稱之

契苾明碑額大唐故大將軍涼國題大將軍行左

鷹揚衛大將軍契苾府君之碑銘并敘柱

案王仁求碑額書周題書唐題書周

相反烝者彼以唐臣而立碑於周時此以周時撰

文而唐之碑已在反  
周為唐之後耳  
思恒墓誌額恒律師墓誌文題大唐薦福寺故大

并敘

楊珣碑額恒農先賢題武部尚書鄭國

李元諒頌額大僕射李公懋功昭德頌題大唐潼關

右節度使檢校尚書右僕射兼御史大夫華  
州刺史武康郡王李公懋功昭德頌并敘  
案此懋功昭德與前賢積慶標目即為  
宋人全德元老等碑別製四字例所從出

李晦碑額大書唐故秋官尚

案碑首曰公諱晦隴西成紀人也  
文與額皆不書姓以國姓易知也

碑版文廣例卷七

碑版文廣例卷八

唐

長洲王芑孫念豐輯

書撰人列名括例

唐碑不列書撰人名者最多或有書無撰或有撰無  
書或以撰人居文前書人居文後或書撰皆居文後  
或竟題於碑側其撰文或曰纂或曰製或曰文或曰  
造此文初無一定尚未有三行排列文前之事類而  
聚之亦可以得其體製矣

房彥謙碑

太子左庶子安平男李百藥撰  
太子中允缺字修撰歐陽詢書

案此題  
名碑側

裴鏡民碑

宗正卿安平縣開國子李百藥製行  
尚書金部員外郎建缺縣開國男殷令

書名

案此題  
名文後

張琮碑

光祿大夫庶子黎陽公于志勳製

蕭思諒墓誌

中大夫行薛王友顏惟貞撰

案此皆有撰無書  
而題名在文前

王居士塿塔銘

上官靈芝製  
文 敬容書

案此題名在文前  
而皆不書爵里

杜君綽碑

殷王府五缺字文  
館高正臣書

案此有書無撰而題名在  
文前碑未有刻字人姓名

李孝同碑

許州臨隸縣令  
諸葛思楨書

案此有書無撰  
而題名在文後

奉僊觀碑

懷州河內縣主簿隴西李審幾詞  
朝散郎上騎都尉瀘水沮渠智烈書

案此不曰  
撰而曰詞

馮善廓浮屠銘

趙顛撰書銘  
人佛弟子姚璟

案此標  
書銘人

杳冥君銘

鳳閣舍人河東薛  
稷為文并書丹

案此標  
書丹

王仁求碑

成都閭邱均文長子雲麾將軍行左  
鷹揚衛翊府中郎使持節河東州諸軍

石片

事兼河東州刺史上輕車都尉新

昌縣開國子公士

書此為子

案此為子

令狐熙碑

案此高宗長子因為太子監國而歿相傳武后意在臨朝故自鳩其子也至是追贈孝敬皇帝高宗自為文而書之則

是父書子碑也

大唐 缺部將軍功德記

案碑皆隸書獨書人題名一行用篆字又不可撰而曰文不曰并書而曰及書猶之懷憚及書之例也

善保自書

御製御書

德茶撰

郭謙光

文及書

御書

御書

郭謙光

文及書

御史臺精舍碑銘

史梁昇

案此為追書

北嶽恒山祠碑

開元丁卯 缺字 尚書兼 缺字 平軍使上柱國

案此張嘉貞一行題名在文前李克嗣一行題名

尉遲迴碑

案此三人分撰碑陽碑陰兩面而一人兼書亦例

尉遲迴碑 前華州鄭國尉閣伯與敘 秘書省

案此三人分撰碑陽碑陰兩面而一人兼書亦例

碑版廣例

卷八

三

萬年宮銘

御製碑陰

奉敕中書門下及見從文武

官名於碑陰

案萬年宮即九成宮改名此又奉敕題名之例

王徵君臨終口授銘

季弟正議大夫行秘書少監東宮侍讀兼侍書紹宗甄錄

并書

案此弟書凡碑以口授故不曰撰而曰甄錄

乙速孤神慶碑

朝散大夫守著作郎國文館學士兼修國史上柱國濟南縣開國男

缺寺釋行滿書

案此武臣墓碑而方外書之亦變例

姜遐斷碑

侍郎缺字公

案此從子自銘其叔父而又自書之

永僊觀碑

朝散大夫兼丹州別駕上柱國蘭陵蕭森字從政撰并模集王右軍書

朝陽巖銘

時中寅中秋零邑後學田山玉書石

案此元結撰文而田山玉書之碑碣書撰僅係爵里無加稱謂者有之自唐人而稱後學則自此始矣

王忠嗣碑

銀青光祿大夫守中書侍郎同中書門下平章事集賢殿崇文館大學士修國

史頴川郡開國公元載撰金紫光祿大夫門下

文館大學士上柱國齊國公王縉書大中

大夫行少府少監集賢殿學士趙基篆額案王縉為王維之弟而元載即忠嗣女夫今列名之上祗自結銜不著女夫可見稱謂之例當時尚

未通行也

姜嫄公劉廟碑

大中大夫行中書舍人上輕車都

官將仕郎試大理評事張

誼書處士張瑄篆額

案此書撰人有官書

街無官則書處士

零都福田寺碑

鄉貢進士楊知新述

南

案此撰人居文前書人

後而并篆兼鐫皆例之

異者

曲陽李克用題記

中和五年二月廿一日克用記

存看

案看題猶

漢之答書

孔宣公碑

秘書少監通事舍人內供奉臣崔行功

博士臣孫

思範書

蓋文達碑

尚書上柱國燕國公子

案撰人以字見又曰作此文

在唐為僅見實則漢例也

華嶽精享昭應之碑

宣義郎行華州華陰縣主簿

節度巡

節度巡

節度巡

節度巡

節度巡

節度巡

節度巡

節度巡

節度巡

節度巡

節度巡

節度巡

節度巡

節度巡

節度巡

節度巡

節度巡

節度巡

節度巡

節度巡

節度巡

節度巡

節度巡

節度巡



石片月例

裴光庭碑 中書令集賢院學士張九齡奉敕撰

兵部尚書同中書門下三品李林甫題額 諫議大夫褚廷晦摹勒

案唐御書皆臣下標題 帝王未嘗自識御筆也

婦人書碑自署名款例

歐陽文忠論周秦千餘年無女人書故碑版中女人

署款之例莫得而考也唐石壁寺彌勒像頌前濮州

鄆城縣尉林諤撰太原府參軍房隣妻渤海高氏書

朝議郎太原府司錄參軍事常山蘇婉題額一女人

介於二男子之間故仍系其夫階而獨標婦姓自晉

衛夫人自稱李氏衛以來惟此可例後此管夫人自

署趙管文淑自署趙文淑義皆由是

自加稱謂例

漢魏碑版所見稱謂惟故吏義士義民門生門童門

孫之類外此無有也大歷中朝陽巖銘稱零邑後學

田山王貞元中徐浩碑稱表姪張平叔顏魯公撰殷

君夫人碑自稱姪男裴拙撰嗣部員外郎裴君誌自

稱族叔昌黎馮王新廟碑題後文前十二代孫鄉貢

進士元德述後世書撰人姓名之上或有自加稱謂

者皆唐例也

碑中添注塗改例

橋亭記人獲一錢脫人字增注又鄉老重書老字李  
光進碑旬有八日下多一者字用點抹去然則碑中  
添注塗改皆唐例也

案前此蘭亭敘添注塗改不  
在此例蓋本起艸非以上石

碑中旁注偏寫例

杜順和上記復見見字下旁注胡旬反孔紓墓誌出  
將將字下旁注去聲然則注音讀者唐例也宋王公  
儀碑臣字俱小又偏寫然則臣字偏寫乃宋例唐九  
成宮萬年宮石淙等碑書臣字猶未有偏寫之例也

陵廟立碑例

舊唐書蘇頌傳元宗欲建碑靖陵頌諫帝王及后無  
神道碑若靖陵特建則祖宗之陵皆須追造元宗乃  
止則高祖太宗皆未嘗有碑順陵睿德記武后初為  
之乾陵述聖記中宗踵為之睿德記出於高宗為子  
書父碑述聖記武后撰中宗書則是妻撰之而子書  
之也以其出於帝后故當時用于闡貢石作碑填以  
金屑而照耀園陵焉要此為後來聖德神功之碑所  
自出

宮館碑文例

醴泉銘世第習其字是以率更之書掩魏公之文也

碑文奉敕所撰辭歸雅正義存諷諭唐一代有數之作而不見收於唐文粹今故表而出之書撰同一奉敕文貞列銜碑文之前信本列銜碑文之後者率更庶寮不敢與宰相竝此又一例也

九成宮醴泉銘

秘書監檢校侍中鉅鹿郡公臣魏徵奉敕撰  
維貞觀六年孟夏之月皇帝避暑乎九成之宮此  
則隨之仁壽宮也冠山抗殿絕壑爲池跨水架楹  
分巖竦闕高閣周建長廊四起棟宇膠葛臺榭參  
差仰視則蒼籬百尋下臨則崢嶸千仞珠璧交映

金碧相暉照灼雲霞蔽虧日月觀其移山回澗窮  
泰極侈以人從欲良足深尤至於炎景流金無鬱  
蒸之氣微風徐動有淒清之涼信安體之佳所誠  
養神之勝地漢之甘泉不能尚也皇帝爰在弱冠  
經營四方逮乎立年撫臨億兆始以武功一海內  
終以文德懷遠人東越青邱南踰丹徼皆獻琛奉  
贄重譯來王西暨輪臺北缺元闕竝地列州縣人  
充編戶氣淑年和邇安遠肅羣生咸遂靈貺畢臻  
雖藉二儀之功終資一人之慮遺身利物櫛風沐  
雨百姓爲心憂勞成疾同堯肌之如腊甚禹足之

石片廣例  
併抵針石屢加腴理猶滯爰居京室每弊炎暑羣  
下請建離宮庶可怡神養性聖上愛一夫之力惜  
十家之產深閉固拒未肯俯從以爲隨氏舊宮營  
於曩代棄之則可惜毀之則重勞事貴因循何必  
改作于是斷彫爲樸損之又損去其泰甚葺其頽  
壞雜丹墀以沙礫開粉壁以塗泥玉砌接於土階  
茅茨續於瓊室仰觀壯麗可作鑒於既往俯察卑  
儉足垂訓於後昆此所謂至人無爲大聖不作彼  
竭其力我享其功者也然昔之池沼咸引谷澗宮  
城之內本乏水源求而無之在於一物旣非人力

所致聖心懷之不忘粵

甲申朔旬有六日

已亥上及中宮歷覽臺觀閑

西城之陰躊躇高

閣之下俯察厥土微覽有潤因而以杖導之有泉  
隨而湧出乃承以石檻引爲一渠其清若鏡味甘  
如醴南注丹霄之右東流度於雙闕貫穿青瑣紫  
帶紫房激揚清波滌蕩瑕穢可以導養正性可以  
澂瑩心神鑒映羣形潤生萬物同湛恩之不竭將  
元澤之常流匪惟乾象之精蓋亦坤靈之寶謹案  
禮緯云王者刑殺當臯賞錫當功得禮之宜則醴  
泉出於闕庭鵲冠子曰聖人之德上及太清下及

太饗中及萬靈則醴泉出瑞應圖曰王者純和飲  
食不貢獻則醴泉出飲之令人壽東觀漢記曰光  
武中元元年醴泉出京師飲之者痼疾皆愈然則  
神物之來實扶剛聖既可蠲茲沉痾又將延彼遐  
齡是以百辟卿士相趨動色我后固懷撝挹推而  
弗有雖休勿休不徒聞於往昔以祥為懼實取驗  
於當今斯乃上帝元符天子令德豈臣之末學所  
能不顯但職在記言屬茲書事不可使國之盛美  
有遺典策敢陳實錄爰勒斯銘其辭曰

維皇撫運奄壹寰宇千載膺期萬物斯覩功高大  
舜勤深伯禹絕後光前登三邁五握機蹈矩乃聖  
乃神武克禍亂文懷遠人書契未紀開闢不臣冠  
冕竝襲琛贄咸陳大道無名上德不德元功潛運  
幾深莫測鑿井而飲耕田而食靡謝天功安知帝  
力上天之載無臭無聲萬類資始品物流形隨感  
變質應德效靈介焉如饗赫赫明明雜遝景福歲  
蕤繁祉雲氏龍官龜圖鳳紀日含五色鳥呈三趾  
頌不輟工筆無停史上善降祥上智斯悅流謙潤  
下潺湲皎潔萍白醴甘水凝鏡潔用之日新挹之  
無極道隨時泰慶與泉流我后夕惕雖休勿休居

崇茅宇樂不般游黃屋非貴天下為憂人玩其華  
我取其實還淳反本代文以質居高思墜持滿戒  
溢念茲在茲永保貞吉

### 兼太子率更令勃海男臣歐陽詢奉敕書

案錢少詹事潛研堂跋舊唐書職官志武德令職  
事解散官欠一階不至為兼職事卑者不解散官  
貞觀令以職事高者為守職事卑者為行仍各帶  
散位其欠一階依舊為兼與當皆解散官其  
欠一階之兼古念反其兩職事之兼古恒反字同  
音異此碑兼字當作去聲率更令職事官也  
事而去散官又以其欠一階故加兼以別於當階  
者此唐初之制也又案青浦王侍郎金石萃編云  
歐陽詢傳太宗即位累擢給事中貞觀初歷太子  
率更令因文館學士封勃海縣男則是時詢蓋以  
給事中而兼率更令也百官志給事中正五品上  
率更寺令從四品上以正五品官而兼從四品所

謂欠一階者是也給事中掌因文館繕寫校讎之  
課學士掌詳正圖籍教授生徒朝廷制度沿革禮  
儀輕重皆參議焉階五品以上是因文館學士之  
職即給事中所掌而率更令是新兼之官碑從簡  
略署新術更不詳及本職也然亦惟此碑有  
兼字前乎此者如化度寺碑即不書兼字

### 官館更名重製新文例

舊唐書唐會要載高宗永徽十年九月戊戌改九成  
宮為萬年宮五年三月親製萬年宮銘并敘七百多  
字羣臣請刻石永光明外仍令中書門下及文武三  
品以上并學士自書名位於碑陰其年閏五月山水  
暴漲夜衝園武門漂溺麟游居人及衛士死者三千  
餘人乾封二年改萬年宮依舊名九成宮高宗萬年

石片屋  
宮銘御製羣臣從官題名其後可見一時體式其  
琢鍊極妍盡致亦唐文中所不多見然較之魏公  
成宮銘風骨固殊矣九成宮銘以人臣獻納而陪  
諭君於道萬年宮銘以人主敷文而快然與藝茹  
長君子讀其文又喟然想見其盛衰之際也

萬年宮銘

并敘

御製御書

朕聞金臺遠遶超忽岷閬之閒玉闕參差  
瀛之際是以周王肆轍惟招既往之僖漢  
空益將來之弊豈知岐陽峻阜鎮茲京甸

之別館建甘泉之離宮東望翦華千沐

隴坂派水分流南俯茶原風雲交映北

缺朝宗迴迴孤岑秀三襲於霞表斜斜

折於雲心複澗澄陰扇炎風而變冷重巒

夏景而翻寒故知五鎮之基空號神州之

之嶺虛傳靈府之都未若翦石裁宮構飛旌

漢騰虛架宇聳紫殿於遙空百仞朱樓月盈

青瓊千尋翠閣雲舒卷於丹墀岫綴霞衣點

而散錦巖懸溜帶潑石砌而飛珠浮涼氣於

庭留華而雪夏凝清陰於碧沼池結鏡而冰春

起華岑决雙蓮而吐秀波搖錦石皎兩鏡而騰暉  
 幾片斷雲縈松合蓋數鼓幽桂插月分香暝壑棲  
 煙籠千厓而散碧朝原上石輝四野而舒紅笑樹  
 餘華低空落影唵風宿鳥響答雙騎猿不恨而虛  
 唬蛟無癡而起舞朕載懷千古流鑒百王思欲屏  
 逸收驕怡神遣慮崆峒訪道欽往哲之高風姑射  
 尋真挹前賢之宿志所以停軒禁籞駐蹕榆川非  
 欲賞恣般游途窮轍迹加以時侵首夏日缺餘春  
 露泣修篁風清邃澗松蘿雲起藤葛星懸可以陶  
 瑩心靈澄清耳目鏡冰霜則廉潔斯在撫松筠則

貞操非遙昔姬后西征猶刊弁石秦皇東指尚勒

稽峯缺勝地淹留何必華胥之國蕭然物外不假

元圃之阿故以劭美千齡騰輝萬古景其前躅爰

紀茲地其銘曰

靈山作鎮挺秀岐陽遠圖天柱迴儷瑤房翬驕淑

氣華沍韶光樹含冬霰巖留夏霜構宇重巘裁基

壘岫石砌披錦山窗點繡佩小蘭新峰殘蓮舊雪

徑常華冰谿恒畫標途天外聳闕雲端煙霾邃谷

霧宿危巒缺三徑缺三湍彤闈潛暑翠幌凝寒憩

駕離宮淹留禁苑柳初眉細潭深鏡遠蓋逐雲穿



苔隨溜卷葉冷惟秋妝濃若晚泉飛巖腹景鏤巖  
心霞疏錦薄艸密袍深露荷傾玉風螢散金檐空  
燕靜山昏日沉邱壑怡神林篁賞性千里眺覽八  
州澄鏡玉燭調序熏琴動詠仰則茨山刊規遠暎  
大唐永徽五年歲次甲寅五月景午朔十五日庚  
申建

碑陰題名

奉敕中書門下及見從文武三品以上并學士皆  
聽自書名於碑陰

太尉楊州都督監修國史上柱國

字缺二公臣無忌

司空上柱國英國公臣勣

使持節遂州諸軍事遂州刺史上柱國韓王臣元

嘉

使持節壽州諸軍事壽州刺史上柱國鄧王臣元

裕

右衛大將軍使持節鄜州諸軍事鄜州刺史上柱

國趙王臣福

曹王臣明

開府儀同三司上柱國鄂國公臣敬德

尚書右僕射監修國史上柱國河南郡開國公臣

遂良

光祿大夫上柱國莒國公臣唐儉

侍中柱國固安縣開國公臣崔敦禮

以下兩省官三人大將軍四人御監八人將軍十七人御史大夫一人前州火一人皆不錄

中書舍人兼修國史文館學士臣李義府

朝議大夫守中書舍人汾陰縣開國男文館學

士兼修國史臣薛元超

太子洗馬學士臣上官儀

案碑陰列名凡四十八人無忌勳敬德遂良四人以官高故不書姓敦禮以下四人中書門下兩省官也儉曾為兩省官以致仕故列於見任兩省官之前義府以下三人皆學士官未登三品故敘於

文武三品之下韓鄧趙曹四王官或刺史或大將軍或併無官而列敘於太尉司空下開府儀司三司上然則唐初諸王班在真三公之下開府之上也

紀武功碑例

唐書姜行本傳高昌之役出伊州距柳谷百里其處有漢班超紀功碑行本磨去古刻更刊頌陳國威靈今其石在哈密城北之庫舍圖嶺其標題曰大唐左屯衛將軍姜行本勒石紀功文蓋以陳國威靈與國為體故不曰姜公而直書其名文中敘高昌之事曰乃詔使持節光祿大大吏部尚書上柱國陳國公侯君集交河道行軍大總管副總官左屯衛大將軍上

柱國永安郡開國公薛萬均副總官左屯衛將軍上  
柱國通川縣開國男姜行本等爰整三軍恭行天罰  
三人竝列行本以副總官居其末其下又云通川公  
深謀闇出妙思縱橫命軍營造攻具乃統某某等竝  
率驍雄鼓行而進以貞觀十四年五月十日師次伊  
吾或此一路是行本兵來所取道而侯君集薛萬均  
所率之兵別由他道或此碑專出行本部吏爲之故  
標題專標行本不及彼二人耳碑左側別書二行交  
河道行軍總管左驍衛將軍吳仁領右軍若干又交  
河道行軍總管左武衛將軍上柱國某縣開國公牛

進達領兵十五萬蓋自紀功之碑必書兵馬之數與  
領兵之人猶漢裴岑例也

遣祭碑文例

太宗貞觀十九年二月庚戌如洛陽宮以伐高麗道  
經河南贈殷比干爲太師謚曰忠烈命所司封墓葺  
祠自爲文祭之碑後列從征居守諸臣姓名凡七又  
用秦刻石例列長孫無忌等奏請奉敕立碑事其敘  
次莊雅可爲後來遣祭者作式前此魏孝文帝比干  
文前敘後辭辭後又有重碑陰悉列諸臣姓名猶承  
漢例不關典要變古開新實始貞觀故不舉彼而略

石片廣例  
舉此

唐太宗祭比干文

維大唐貞觀十九年歲次乙巳二月己亥朔廿日  
戊午皇帝敬遣太府卿蕭欽宗正少卿駙馬都尉  
長孫冲等持節以少牢之奠祭殷故少師比干之  
靈朕聞 式遵故實爰贈太師清酌少牢以陳薄  
禮  
司徒太子太師趙國公無忌  
開府儀同三司申國公士廉  
光祿大夫民部尚書莒國公唐儉

吏部尚書駙馬都尉上柱國安德郡開國公楊師  
道

中書令江陵縣開國子岑文本

正議大夫守中書令兼太子左庶子馬周

中大夫守黃門侍郎褚遂良

右貞觀十九年二月廿日無忌等奏請以贈比干

詔并祭文刻石樹碑奉敕依奏

前左宗衛鎧曹參軍事直文館臣薛純陁書

案金石萃編唐百官志武行年改太子左右武  
侍衛率曰左右宗衛率府又鎧曹參軍事二人  
掌儀衛兵仗皆太子衛職貞觀中鎧曹  
廢此云前者純陁在未廢以前所任也

自爲墓誌例

前漢杜子春後漢趙岐皆自誌其墓唐一代韓昶杜牧亦皆自爲墓誌垂拱二年王徵君臨終口授銘亦自誌而其弟紹宗書之其題曰大唐中嶽隱君太和先生郎邪王徵君臨終口授銘并敘其署欵曰紹宗甄錄敘後有二銘曰蓋敘爲紹宗述其兄病中願訖之意而二銘曰皆出徵君所自撰前銘爲自撰之敘後銘乃自撰之銘也其前銘起曰於戲昔有唐氏作吾中遇而生姓王名園宗字承真其末曰舉手長謝亦復何言其後銘起曰混沌無我其中有精忽然爲

人時哉乃形其末曰谷神不歿我本長生其自紀姓名亦本於漢趙臺卿有漢逸人姓趙名嘉之義然諸碑皆具卒日未必人人自剋歿期或作者旣歿而書碑者益之耳

誌捐納出身官例

貲郎雖史傳有之而見於碑碣者殊罕漢義井題名正當西園賣爵之時所列五大夫等亦僅授民爵章服濫矣任用不存焉其前此之貲郎實任職官者不過相如卜式之類皆別以才進相如用文詞卜式用朴忠自結主知非恃貲也太史公所謂吏益多賈人

人者亦自桑園羊孔僅之徒相與論薦出之不必朝  
納貨而暮牧民也唐世捐輸之例不甚可攷梁師亮  
墓誌頗載前後輸納之事其初上柱國始亦祇授勳  
階未得出身未授署丞縣丞官甚卑以尊階而受卑秩虛實之  
階甚尊署丞縣丞官甚卑以尊階而受卑秩虛實之  
數異也師亮遭武后一切之制以醫生獵職固不足  
記在碑版中爲初見亦今日文家所不能無涉於筆  
故舉之而略錄其文

大周故珍州榮德縣丞梁君墓誌銘 并敘

君諱師亮字永徽安定烏氏人也 起家任唐朝

左春坊別教醫生握衣鶴禁函丈龍樓究農皇之  
草經研葛洪之藥錄 屬龍庭月滿鹿塞塵驚命  
將出師千金之費逾廣飛芻輓粟萬里之糧宜繼  
君戶庭不出鞍甲匪疲遙同轉輸之勤遂獲茂功  
之賞永隆二年以運糧勲蒙授上柱國 園陵繕  
修紀事功成實憑子來之力穀林務畢仍覃發表  
之旨垂拱二年以乾陵作功別敕放選釋褐調補  
隱陵署丞 秩滿俄而上延朝譴授珍州榮德縣  
丞職二千石贊務一同 以萬歲通天元年七月  
二日終於益州蜀縣春秋卅有七嗚呼哀哉卽以

萬歲通天二年三月六日葬於雍州城南終南山

至相寺梗梓谷信行禪師塔院之東陪先塋也

案師亮出貲助轉輸授勳與澤王府主簿梁君同  
今不更及舉一以列其餘又師亮卒年三十七其  
元隆二年授上柱國年三十三推其十當在永徽  
於碑猶之本初為漢質帝年號而袁紹以為字也  
顧氏金石文字記亦曾舉及余往在樂儀書院歷  
述古人之以年號稱名者示諸生獨遺永徽  
蓋其時未觀此碑并忘顧氏語今補識於此

墓銘刻於經幢例

唐故郎邪王氏夫人墓銘刻於經幢其幢八面兩面  
刻銘六面刻尊勝陀羅尼咒銘敘夫人為故玉冊官  
內供奉賜飛魚袋強瓊之妻後瓊十五年而歿因志

其子女與其卒年卒日又分識葬地夫婦蓋不合葬  
也瓊名見梁守謙功德頌特以鑄匠供奉因緣賜緋  
初非士大夫其妻奉佛刻銘經幢亦非文人之筆不  
可為例然既有之矣固亦不宜無述焉猶之王居士  
塋塔銘獨可為習彼家法者備一援引耳

子貴追立父碑例

額題太子少保上柱國潁川定公之碑不書姓以碑  
文攷之韓仲良也碑首虛敘數行而曰見之潁川定  
公矣其下公諱良字仲良潁川人也提行另起而以  
乃為銘曰終之其題後文前兩行竝列曰上柱國燕

國公于志禦文門下錄事王行滿書攷仲良卒於貞  
觀十二年卽以其年厝於三原園化鄉至永徽五年  
詔贈太子少保碑未又有永徽六年建碑月日殆以  
其子瑗入相朝恩追及其父瑗所補立以志顯揚此  
爲歐陽公瀧岡阡表例所始也

墓誌亦有追刊例

碑有追立埋銘無追刊之理而亦自有之周豫州刺  
史淮南公杜君墓誌杜舉茂才仕於周誌敘其遇周  
社之傾覆會新祚之流移與夫人馮氏合葬龍山嗣  
子洪貴六人及孫恒周三入等蓄曜珠泉潛華玉岫

曾孫善達義節等八人遠謝弓裘遐慚落構恐陵谷

缺遷勒茲貞石云云則其石爲曾孫所追誌故未有

大唐儀鳳二年歲次丁丑五月七日彫塋功訖一行  
文書合葬題標杜君與騎都尉李君墓誌同例卽李  
亦追誌也

前代官祇書新贈不係故階例

房元齡之父彥謙仕隋由吏部承奉郎歷秦州總管  
錄事參軍事長葛縣令都州司馬司隸刺史左調涇  
陽縣令大業十一年卒於其官其子元齡輔唐定有  
天下乃以貞觀三年詔贈彥謙使持節都督徐泗五



州諸軍事徐州刺史四年又詔封臨淄郡國食邑千  
 戶諡曰定公皆其子恩澤追褒及之故碑額碑題代  
 書新贈不著故階又不書隋故而書唐故亦由既係  
 唐官勢不得更書隋故爾碑文李百藥撰歐陽詢書  
 碑陰續記送葬之盛碑側題書撰姓名并樹碑年月  
 猶漢例也其銘粵以七粵作曰同魏武定八年太公  
 呂望碑例也

房彥謙碑陰

公之將葬恩旨重疊賻贈優渥公及夫人竝令有  
 司營造馬輿各給馬四從京師洛陽殯所送至本

鄉其車輅儀仗出懷洛二州給船載運 又發敕  
 令以官物修補又文官式令例無鼓角亦特給送  
 至於葬所又於常令給墓夫之外別加兵千功役  
 臨葬復降敕使馳驛祭以少牢前復為葬事發敕  
 旨行筆十有二條近代以來恩榮褒贈未有若此  
 者也中外姻戚海內名士并故吏門生千里赴會  
 及州里道俗士千餘人

案昭陵陪葬諸碑敕鼓吹儀仗送至葬所往還者  
 至多彥謙一前朝縣令又非陪葬特以其子元齡  
 故例外追崇唐書音樂志五品官婚葬先無鼓吹  
 惟京朝官五品得借四品鼓吹彥謙於令式猶未  
 得借故云特給古制父為士子為大夫葬以士祭  
 以大夫後世有追封之典而祭以大夫者亦葬以

石片  
大夫自此始矣碑尾碑陰附紀續事漢末至多餘錄漢碑不悉書而今錄此者以見初唐人尚存漢例韓柳未出以前文律未真卻自有一種義例

死事碑文必有卒日卒地例

隋故益州總管府司馬裴君碑銘自古死事之臣立碑蓋非此始碑敘裴君世系履歷甚詳然後書其死事曰開皇十六年西南夷構亂君總率士卒應機致討後軍不繫戰危喪律以三月癸丑朔十九日辛未陷字缺二庭季路結纓義無苟免缺敘銜須義不生辱末敘君第二子太僕少卿洛州都督府長史上柱國翼城縣開國公勳思因遺範式昭貞銘石後別綴立

碑年月曰大唐貞觀十一年十月廿一日樹碑字缺二

賜墳學功力竝即畢了年月之後始列書撰姓名曰

宗正卿安平縣開國子李百藥製行尚書金部員外

郎建缺縣殷令名書蓋裴君為裴勳之父鏡民鏡民

死事於隋別標題書隋故宜也死事者或得其尸或

不得尸其葬由葬地不關典要而卒日卒地不可不

具故書之重爾勳既仕唐賜塋在貞觀中故碑末書

大唐以別之書撰人係於年月後以見此皆唐人蓋

勳葬其父恩祇賜塋無他追贈故附志新朝之餘澤

而不奪故父之遺忠與房元齡之葬彥謙者不同也

父書子碑例

古人主有追封其父兄無追尊其子弟者秦文公太子卒賜諡靖公唐高宗追諡太子<sub>囙</sub>為孝敬皇帝唐代宗追諡其弟故齊王倓為承天王事非禮典要為褒崇子弟之始新書著天后方逞其志太子<sub>囙</sub>失愛被鴆於合璧宮由是加之尊名以掩其迹今所傳孝敬皇帝<sub>睿</sub>德記高宗御製御書臚敘太子有九德曰至孝至仁至明至儉至正等褒美之詞備矣然皇帝者有天下之號非所以為贈也今父在而追尊其子又父書子碑不獨其文為墓碑變例其事亦天地間

至變書所謂於我民彝大泯亂者可為千秋炯戒故舉而箸之非以其文為足例也

子撰父碑直書名諱例

隋故桂州總管武康郡公令狐使君碑乃其子令狐德茶撰其父熙碑也熙卒於隋仁壽二年至唐貞觀十一年歸葬距其卒三十六年立碑在乾封二年又距三十年合之共踰六十六年而德茶亦前卒一年矣熙貫敦煌德茶入唐後徙華原碑書歸葬從其生者言之也額書隋故而碑中遇大唐高祖等字皆空格亦從生者書之也碑敘夫人同郡沈氏周甘州刺

史慶之女初拜某郡君再遷某夫人蓋亦合葬之文  
末敘崇賢館學士監修國史護軍彭陽縣開國公德  
蔡陪侍膝下夙趨教義云云此德蔡自述語其述世  
系曰公諱熙遠祖邁祖虬等皆直書不諱猶用漢孔  
耽諸碑例庠中葉以後家諱始重而徐浩碑遂用他  
人題諱矣

直書父碑直書名諱例

于志禦碑令狐德棻撰志禦子立政所自書碑中祖  
義父宣道等皆直書則雖子書父碑亦不諱也撰人  
不題其名於前後而自敘於文中因夫人因農劉氏

合葬兼敘夫人三世名諱歷官皆例之初見者又立  
碑之年德棻歿矣而碑有葬日始立政書碑時所增  
箸也以宰相世系表攷之于義次子宣敏仕隋高祖  
朝拜奉車都尉卒年二十九無子以宣道子爲後卽  
志禦也然則宣敏爲嗣父宣道爲本生父今碑中仍  
以宣道爲父始某時猶未有本生父之名自漢稱悼  
皇考以後漢議未出以前固未嘗有斷斷爭此者此  
又一例也

案唐一代若王仁求碑馮本紀孝  
碑皆其子書之皆無避諱之事

父喪稱孤子所始例

契苾暉碑婁師德製文殷元祚書暉以功臣之後一  
歲授封一歲起家世爲唐臣而其妻李孝義之女當  
武后朝有賜姓武氏之事暉又葬於萬歲通天之元  
年婁師德身事武后故特書大周革命而書孝義爲  
唐膠西公兄亦當時所不得不然者惟題書大周額  
書大唐碑附識行曰先天元年歲次壬子十  
二月十六日辛亥孤子息特進上柱國涼國公嵩立  
父碑立父碑三字此碑所初見先天二年十一月元  
宗改元開元此在元年已在反正之後而師德歿十  
餘年矣蓋書撰皆在武后時至是甫刻於石故碑額

碑尾皆新增與王仁求碑仕於唐而葬於周者正相  
反也孤子之稱所從來甚久漢碑有之此非初見然  
今以碑文攷之當契苾暉葬時其妻賜姓武氏者尚  
存而碑尾云後世以父喪稱孤子義或本此

母喪稱哀子所始例

絳州碧落碑唐高宗時韓王元嘉之子訓等薦祀其  
妣妃房氏造碧落天尊像於龍興宮刻其文於背故  
以名碑碑首曰有唐五十三祀龍集敦牂哀子李訓  
誼讓謀銜恤在疚寘懷靡所永言報德思樹良因云  
云此爲後世母喪稱哀子之所從起惟元嘉六男此

列其四義不可曉唐自武德元年至咸亨元年得年五十三是年庚午太歲在午曰敦牂是也是歲即總章三年以三月改元為咸亨碑身建立月日或適在改元交會之際故不書總章及咸亨而書有唐五十二祀邪

案碑篆書多異文難通後有咸通十一年鄭承規釋文承規自題曰奉命書而不著篆者何人或以為元嘉子誤封黃公者所篆未可知也碑以稽古之稽作亂託作佞宋韓侂胄命名本此

誌夫婦合葬不標婦姓例

唐李文夫婦合葬同敘一碑而其標題曰大唐故騎都尉李君墓誌銘誌首曰君諱文字緯隴西成都人

周柱史聃之後也蓋其姓已見標題故文中不更及亦題與文通為章法之例其敘世系於曾祖祖皆書名而父諱獨缺又一敘世系之變例其下敘李君性行不過十餘字而曰時屬隋末不遑儒業所以學未優贍志在前鋒授騎都尉云云猶見實錄之意敘夫人彭城劉氏合葬同州而標題弗及焉者唐人誌合葬大例如此黎洲黃氏堯峯江氏所由斷斷以暨元配云云為非義也後無銘曰而有銘三章分注其一其二亦唐人之初見考李君以隋末人卒於永徽篇中敘及孤子云仁等追惟此帖書心藜莪之語蓋唐

黎未出以前碑版例已略具如此

婦人專誌者或以先葬或後葬或別葬非是則

專誌凡合葬者額題標

例不須枚舉聞有夫婦雙標者例亦不多又不

於大家終不足以奪黎洲堯峯之論也作者苟

不衷而況乎唐人耶

婦人專誌祇標夫姓例

昌三年不唐故處上包公夫人墓誌銘其標題祇

書夫姓而誌文專敘婦家蓋夫人先葬包公尚存義

亦宜然文雖不工略錄以示體式

唐處士包公夫人墓誌銘

夫人姓張其先清河人也皇父諱鄰夫人生有妍

姿長終言行包君前娶義陽朱夫人而生四子不

幸朱夫人中年下世及終喪親迎缺夫人為繼室

敬愛均乎長幼周旋廣備親疏撫育前男恩通已

子嗚呼夫人行年六十一有六以會昌三年十日九

日奄終唐縣方興鄉之私第包君以再傷齊體

追悼何心盡禮居喪卜時將葬前男女哀慕無容

以其年癸亥十二月十二日丙申葬於履泰鄉之

高原禮也

婦人專誌祇標婦姓例

邳林夫人誌其標題曰有唐故下邳郡林氏夫人

墓誌其誌首敘夫人林氏其先下邳郡人也其敘曾祖祖父官位皆林氏其下敘夫人為富春孫氏子婦所生男女三人此亦詳於婦氏略於夫家之一例也

紫蕭山毛氏云古節烈皆署婦姓唐史金節婦宋史楊烈婦是也及不得婦姓始繫以夫漢史王霸妻樂羊子妻是也如云節烈者當表夫姓則後漢桓嫠為沛國劉長卿守節未嘗云劉嫠也唐之斷臂李節婦實號州司戶王凝妻世不云王節婦也毛氏此言為節婦而發余案魏夫人衛夫人管夫人世所熟傳皆稱婦姓不繫其夫蓋相沿如此若以春秋宋恭姬紀伯姬之例推之則婦姓自不可無而終當繫之其夫若晉衛夫人自署李氏衛及唐參軍房璘妻高氏所自署可也

婦人專誌額書夫姓題書婦姓例

馮氏婦墓誌乾隆己卯年出土高廣皆一尺三寸六

分其蓋題唐故馮氏婦著其已嫁不同在室之女也其標題曰唐將作監主簿孟友直女蓋女既蚤亡無所表見於夫氏之黨其銘葬又出於父母故敘其為婦也略而係稱於婦父要亦婦人專誌之一例也今舉而著之

唐將作監主簿孟友直女墓誌 并敘

女十一孀字心河閒人也年十九適馮貞祐敬極

如賓禮優侍櫛雖靡他之誓將固於同心而與善

之徵竟虧於異物嗚呼哀哉春秋廿以開元二年

七月廿日終於洋州興道縣廨舍開元三年四月



九日葬於陳倉縣之新平原禮也惟父與母恩深  
骨肉痛切哀憐方備儀於幽隊用留念於終天迺  
為銘曰

天道懸遠神理難明嗟彼淑譽淪乎此生荒堦月  
照古樹風驚人誰不歎爾獨傷情

婦人專誌額書婦姓題書夫姓例

杜夫人墓誌其蓋題大周故杜夫人之墓誌凡九字

專標婦姓其題書故司稼寺卿上柱國字缺三杜夫人

墓誌其泐處始某君妻三字耳然則又額書婦姓題

書夫姓也文中敘夫人世系所出不書其夫名號官

位莫知何人獨其子官幽州參軍而夫人終於幽州

官舍始夫先歿而就養於子者豈以別葬不附故專

誌耶漢以來婦人專誌蓋寡今亦舉而略錄焉

故曰稼寺卿上柱國字缺三杜夫人墓誌

夫人杜氏京兆杜陵人也七代祖預晉征西將

軍武庫靈智曩神用曾祖勣左監門將軍善

寶唐缺州缺陽父嘉猷唐務州參軍體道居

貞今車挺秀瓊山嶺峙爰開抵離之珍碧浪川融

必亘採龍之寶夫人姿靈婉淑字缺二貞凝名為

不朽字缺二氏之春秋年則有行見楊家之輪轂承

筐景貺正南之緒字克隆斷緯沉機字二之字二

斯在驚逝川兮龍劍缺乘上月兮鳳臺缺信可

傳芳史館著象甘泉者哉字意拾翠天津缺舒泉

而其缺薦桃僊樹將暮樅而同期嗚呼哀哉以長

安三年五月廿八日終於幽州之官第春秋六十

有三粵以長安三年十月十五日葬於雍州長安

縣高陽之原有子朝議郎行幽州司功參軍事履

行以膝下之因無逮口澤之戀空存纏永慕於缺

字結深悲於蓼莪茲夕何夕春非戎春鬱鬱佳城

無復長安之字舞字京兆之天何修夜之

不暘而短歌之可作其銘曰

則天垂象就日缺輝在夏御龍居殷豕韋靈源濬

出慶緒字禮樂攸往衣冠缺歸其鳳簫寥亮霜

缺皎潔頌發春椒韻浮秋菊丹霞濯錦素雲生席

琴瑟不流松蘿罷月其曰仁者壽彼蒼者天無聞

靜樹空想寒泉蕪城闕景松架來煙未辨何日誰

論幾年其

案碑中祖善寶脫去和字又有楊家輪轂句其大  
或姓楊氏司稼寺即司農寺龍翔一年所改卿一

人從  
三品

婦人專誌祇敘婦家世系例

碑反黃列 卷八  
賀蘭夫人墓誌標題既列夫官兼書婦姓其敘世系  
不及夫家與杜夫人誌同惟移寢於方丈陪葬於僧  
塔大爲非禮而猶謂之禮也則亦謬於執筆矣近流  
侈作高談上追漢魏旁獵六朝一唐幾視韓歐爲不  
足爲夫文不衷於韓歐則文無軌範不讀雜家之文  
又烏覩韓歐酌義之精擇言之雅哉衡誠懸不可欺  
以輕重規矩誠設不可欺以方圓余之錄此所以戒  
高談者而示之防焉爾

大唐太常協律郎裴公故妻賀蘭氏墓誌銘 并敘  
夫人賀蘭氏曾祖虔隋上柱國祖靜皇朝左千牛

父元拯潞州司士竝匿翰深識布聲於代夫人卽  
協律之姑女也童姿粉妍笄態瓊淑惟德是與乃  
賓我裴公宜其鏘鏘和鳴晏晏偕老女也不隱天  
胡降灾縣連沉疴三浹其歲洎大漸移寢於濟法  
寺之方丈蓋攘衰也粵翌日奄臻其凶春秋四十  
有四卽開元四年十二月十日至十九日遷殯於  
鴟鳴埽實陪信行禪師之塔禮也夫怛化妙域歸  
真香瑩衡之冥果則已無量有子太元等或孩提  
而孤擗標以泣嗚呼生人之至艱也裴公傷奉倩  
之神痛安仁之簞圖範貞石碑光泉門銘曰

芙蓉劍兮蛟龍質梧桐枝兮鳳皇匹天胡為兮降  
斯疾俾雄雌兮歡不卒延津女牀奄相失千年萬  
古哀白日

案古人為文額題與文字合為章法不啻如綱目  
貫輪相引此文起處以標題已見裴協律故即曰  
協律之姑女也自漢以下例皆如此可以類推

又唐故義興周夫人墓誌銘并敘其發端曰夫人義  
興人也漢真將軍勃之苗裔晉輔國大將軍處之孫  
皇明通之女姻不失媛晉以匹秦適為太原王府君  
靜信之妻其姓已見標題故文不更及其下云孤嗣  
號絕猶子悲酸牽連竝及猶承舊例其專標婦姓及

敘婦世系處皆與周杜賀蘭范氏諸夫人誌相同

案是誌無卒日而葬日則補於銘章之  
後曰天寶六載十月卅日葬與他碑異

又大中四年有陸君故夫人富春孫氏墓誌銘誌首  
敘夫人吳大皇帝十九代孫德之女也下敘夫人歸  
於陸氏君名瑛有子三二男一女大中十年有唐故  
劉氏太原縣君霍夫人墓誌銘誌首敘唐故銀青光  
祿大夫行內侍省內寺伯致仕彭城郡開國劉公夫  
人霍氏世系文之昭也當周之興封建子弟因而謚  
焉代變時移今為京兆居人也皇父晟將仕郎守家  
令寺藏署丞夫人即丞公之長女也所敘世系皆專

及婦家霍雖宦官之妻不可為訓然例固如此也

不書婚配例

唐人碑志猶未盡書婚配姚崇撰兗州都督于知微碑知微為志嚮之孫立政之子碑首敘高曾祖父歷官而總之曰公子公孫多材多藝碑末敘嗣子某次子某某歷官而總之曰聿修祖德不墜家風冬日將夏月相輝金友與玉昆交映其文在駢體中敷衍有體始終不及夫人何姓或疑夫人別葬然碑既明書遷祔京兆舊塋其地為于氏於葬之所夫人不宜別兆或先葬後葬則不可知大抵唐人猶承漢例不必

然盡書婚配張九齡撰裴光庭碑裴朏撰裴稹墓誌亦

妻尚存而見於碑中例

漢之以夫人見者大抵為夫人祔葬否亦已故未有生存而見書者生而見書初見唐故大將軍上柱國郭君之碑其文曰夫人王氏令望江東派流并部內睦六親外諧九族痛長城之永別淚染川悲隴水之分流面頰嗚咽則郭君葬時夫人尚存無疑也碑版文中如存歿合祔不合祔必書婚配例自此始

誌婢妾不係其夫例

天寶中大唐故范氏夫人墓誌銘其誌首云夫人姓范氏諱如蓮華懷河內人也其下云始以色事朝請大夫行河內縣令上柱國郎邪王昇次子前鄉貢明經察其標題祇書婦姓文內書其夫兼及其夫之父而不書子女始一無出之妾也其敘范之世系曰高祖預祖義慎父元琛冠冕陵遲回為平人則亦祇敘婦家世系爾每懷之上疑脫一字誌無出之妾宜其寫貌有疑脂點染獨授天姿語此與柳子厚誌李員外外婦皆婢妾葬銘之所當裁酌者也

案此誌如蓮之下當有脫字若以如蓮華為句則懷字上必有脫矣元和中河南府司祿盧公夫人

崔氏墓誌云夫人諱績號尊德性博陵安平人也開元中尼法澄塔銘云法師諱法澄字無所得俗姓孫氏樂安人也以三字為號蓋唐之婦女有此例矣

表德或冠勲階之上或綴勲階之下例

漢之孝子貞女以若元儒有道等表其德者不更書

官唐碑則仍自書官郭思訓墓誌以孝子二字冠其

勲階又書兩夫人遷合陪葬及用形家言志瑩地方

嚮皆此初見他碑所無其閒不載書撰人姓名於曾

祖祖父處皆空格子弟牽連竝書猶承漢例文雖駢

體遣辭甚工古今沿革參半亦考文者所宜知之故

略錄之云

唐故孝子朝議郎行大理司直上柱國郭府君墓誌銘 并敘

公諱忠訓字逸太原平陽人也昔姬文作周運璿璣而一宇宙號叔命氏錫介珪而列山河鬱為國師燕臺竭起誕降人母金穴橫開世緒蟬聯公侯克復 曾祖欣周上黨郡守平水將軍青綬登朝朱旗絳野執霜戈而問罪方薤水而澄心 祖則隋淮陵郡守度支郎銀青光祿大夫 父敬同徙居洛陽今為洛陽人也幽素舉及第以孝不仕公乾綱之精融密泉結學以天授言以行成襲門

細解褐睦州建德縣主簿應吏職清白舉及第轉滄州樂陵縣丞南郡地狹屈仇香而佐時六安路遙坐桓譚而不樂 敕除溫王府兵曹參軍事轉太子典膳監 應孝悌廉讓舉及第 敕授大理司直 哀矜折獄對霜練而論刑上帝弗蠲泣丹毫而書臯彼蒼不弔殲我良圖以景雲二年九月十三日寢疾終於長安醴泉里之私第公孝友溫恭文行忠信 奄棄於代與善何徵辭北寺之榮班舊車長謝望東周之故里旅櫬空歸夫人清河張氏平陽柴氏竝穠華賁春輕雲蔽月結縞作儷

乘雁旭而移天采蘋是羞應鵲巢而主饋昔時南  
斗兩劍分輝今日西階雙魂共穴以景雲二年歲  
次辛亥十二月辛丑朔十五日乙卯遷合於洛陽  
北部鄉之原陪葬先塋之壬地禮也青島卜地白  
鶴標墳桂酒缺肴無復平生之賞佳城總帳空餘  
冥漠之悲嗣子審七弟雍州武功縣尉思謨等攀  
號擗踊漉泣摧心長懷陟岵之哀永結在原之思  
嗚呼哀哉乃為銘曰

榮最之緒累代重昌其人如玉邦家有光道全忠  
孝德裕巖廊士林蕭索人之云亾寒郊慘兮山門

險松扃閑兮宿草荒

思訓有兄曰思誨易州司馬有弟曰思謨一家再世  
皆以孝弟廉讓幽素被舉思謨最後卒有開元九年  
思謨誌則以孝子二字綴其官銜之下書思訓之孝  
略書思謨之孝詳以思訓先亾而思謨獨終事其母  
也思訓誌書子而及其弟思謨等思謨誌書子而及  
其兄子又書三妻有詳有略思訓以一字為字而思  
謨不著其字思訓誌無書撰人而思謨誌有撰無書  
異同之際有可互見故亦略舉之

大唐故蘇州常熟縣令孝子太原郭府君墓誌銘



并敘

進士吳郡孫翌文

夫孝者百行之本故詩美張仲傳稱穎叔所以軌  
 物而前乎人用也 公諱思謨太原平陽人 幽  
 素府君有三子其季曰我公俱仁孝絕倫 公始  
 以孝子徵解褐拜定州安平縣丞 又應廉讓舉  
 擢武坊尉秩滿遷常熟令凡佐三邑而宰一縣所  
 居必化所在必理專務於德夫何不臧公有二昆  
 長曰思誨易州司直次曰思訓大理司直不介永  
 福俱已先世遺孤凡十有三人或在髫髻或在襁

褓公撫之育之出入腹之子漸乎義若女嬪乎他  
 族人不知其諸父蓋孝悌之至也 初公娶於彭  
 城劉氏無子而卒再娶河南元氏有二女亦先朝  
 露矣琴瑟不可以終徹享祀不可以無繼又婚清  
 河張氏故江州刺史嘉言之孫奉禮郎慎思之女  
 作配君子休有烈光彼蒼如何熾我良人有子曰  
 究曰案伶俜幼冲未知飾終追遠之禮易州府君  
 冢嫡守采他山之石昭銘景行

書地界四至例

書地界四至雖自晉太康瓦荊有之唐人則見於開

元廿八年王守泰記石浮屠後書東西南北四至之  
下又總之曰四至分剛永泰無窮末加吉語雖出漢  
例在唐為初見易州鐵像頌後附識每驛旁造店一  
百間為店字所初見又易州田公德政碑其首結銜  
云大唐正議大夫使持節易州諸軍事守易州刺史  
兼高陽軍使賞紫金魚袋上柱國田公稱賞不稱賜  
亦例之初見者

案潛研堂跋唐會要凡授都督刺史階未及五品者均聽著緋佩魚雜任則停之若在軍賞緋紫金袋者在軍則服之不在服限田曉階正議大夫正四品上其結銜稱紫金魚袋蓋以軍功得之與賜紫借紫者有別矣

銘用雙聲例

雙聲古人文字偶一有之六朝人即有研求聲病者  
中唐以前詩人尤所用意趙氏洪氏諧音調近海鹽  
周氏作杜詩雙聲疊韻譜其說具矣北宋蘇黃諸家  
始有之  
用雙聲字為詩者其例亦本於唐人余為廣例於氏之文從略而錄正覺浮屠銘所以著雙聲為銘之例也

幽栖寺尼正覺浮屠之銘

夫登涅槃山者要馮戒足入佛法海者必藉慈航  
幽栖寺尼正覺缺香鬢馥定水澄清潤三州而布

慈雲警四生而雷法鼓不謂三龍從毒蔭宅將危  
二鼠挺灾憂殘意樹遂卽傾天祕寶構此蜂臺竭  
地珍藏將營雁塔其塔乃岩堯入漢與玉兔而爭  
暉菟業侵雲共金烏而合曜卽願危缺永茂朽樹  
長春觀遣情塵聞銷意垢缺其詞曰  
皎見顧高崑此臺塔妍巖疑語凝源擬業  
開元六年歲次戊午七月癸巳朔十五日丁未建  
碑中不敘書畫藝能例

唐故雲麾將軍右武衛大將軍贈秦州都督彭國公  
諡曰昭公李府君神道碑并敘李北海撰書其碑首

曰公諱思訓字建隴西狄道人也思訓生平善畫世  
謂之大李將軍而碑中祇述歷官行事不及藝能獨  
敘其少好山海圖慕神僊事二語而已可見唐賢猶  
是擇言謹重如此碑末云姪吏部尚書兼中書令集  
賢院學士修晉國公林甫嘗追如父之恩是切加人  
之感與公之長子某某等竝才名用譽業尚居多云  
云子姪牽連竝書亦漢舊例惟多此林甫一姪當時  
則榮不免爲是碑貽玷耳題後文前北海自署族子  
而於林甫則以姪書之義不可曉姪字之見於碑版  
自此初始前此未有以其稱加之男子者也

刻文舊碑之陰例

水經注載樊城西南有曹仁記水碑杜元凱重刻其  
 後書伐吳之事又渭水內載漢鎮遠將軍段熲更修  
 祠堂碑漢給事黃門侍郎張昶造昶自書之魏文帝  
 又刻其碑陰蓋古碑陰有無字者後人借而刻之自  
 晉漢有其例矣開元中遣蘇頲禱雨西嶽有應因重  
 福告賽而作華嶽精享昭應之碑其文即刊於後周  
 天和二年頌碑之陰精享昭應為宋人碑頲別製四  
 字所從出其頌末有曰有豐斯石刊之則貞蘇公作  
 頌孔碩其聲咸虞撰文而曰蘇公作頌義不可曉其

曰有豐斯石刊之則貞其亦觀天和之頌為無足道  
 耶

索唐碑遇廟朝等字當提行或空  
 一格或三格大抵空三格者居多惟此碑自二  
 三格以至四五六七格不等蓋唐人尚與漢類或  
 遇我公及祖考等字則竟空一格與廟朝無別也再  
 碑陰題名自漢以下雙名單名聽其自為長短不  
 必一齊惟御史臺精舍碑記題名單名皆空一格  
 而齊其下為今官文  
 書此名簿籍例所始



